

七
十
家
賦
鈔

七十家賦鈔序

傳曰不歌而誦謂之賦登高能賦可以爲大夫言感物造端材知深美故可以爲列大夫蓋賦者詩之諷諫書之反覆禮之博奧約而精之以情爲表以理爲職以信爲端復者也楚人以後漢臣最工孝成之世奏御者千有餘篇如藝文志辭賦略所載者是而存者不能什一可歎也魏晉宋齊梁陳之士祖述憲章或託物以貢情或隱憂而不去引辭表惜觸類而發咸無悖乎六義之意同年張編修皋文少好文選辭賦嘗屏他務窮日夜爲之卒乃歸於治經然辭賦亦不廢蓋以爲先士之盛藻詩人之墜典於是乎存焉而後之作者志益寡而辭益俳逐物而不反難可復理乃錄自屈原荀卿至於庾信發其奧趣備辭賦一家之學司馬長卿曰合摹組以成文列錦繡以爲質一經一綿

一宮一商此賦之迹也若賦家之心控引天地總覽人物
錯綜古今此得之於內不可得而言傳然其所爲大人賦
本欲以諷求僂之事而武帝讀之乃飄飄有凌雲氣游天
地之間意故揚子雲以爲靡麗之辭勸百而諷一也學者
由君之論定輓遺文之逸軌倘無爲子雲之所議則君之
所待於後者爾余爲刻其遺書并及是編因序而論之道
光元年五月合河康紹鑄序

七十家賦鈔錄目

屈原離騷 九歌十一篇 天問 九章九篇 遠游

卜居 漁父

宋玉九辯十篇 招魂

景差大招

賈誼惜誓

淮南小山招隱士

東方朔七諫八篇

莊忌哀時命

劉向九歎九篇

揚雄反離騷

枚乘七發八篇

曹植七啓八篇

張協七命八篇

右賦十二家八十二篇

荀況賦六篇

宋玉風賦 高唐賦 神女賦 登徒子好色賦 謔賦

笛賦 钓賦 大言賦 小言賦

右賦二家重一家十五篇

賈誼弔屈原賦 服鳥賦

枚乘梁王菟園賦

鄒陽酒賦

公孫乘月賦

漢武帝悼李夫人賦

司馬相如子虛賦 上林賦 哀二世賦 大人賦 長

門賦 美人賦

淮南王安屏風賦

孔臧鶴賦

董仲舒山川頌二篇

司馬遷悲士不遇賦

中山王文木賦

王褒洞簫賦

班婕妤自傷悼賦

揚雄甘泉賦

河東賦

羽獵賦

長楊賦

太元賦

逐貧賦 蜀都賦

劉歆遂初賦

班彪北征賦

右賦十六家重三家二十九篇

梁鴻適吳賦

崔豹慰志賦

馮衍顯志賦

杜篤論都賦

梁竦悼騷賦

班固幽通賦 兩都賦二篇

傅毅舞賦

張衡二京賦二篇 南都賦 惠元賦 歸田賦

王延壽魯靈光殿賦

馬融廣成頌 長笛賦

蔡邕述行賦 短人賦

邊韶塞賦

邊讓草華賦

禰衡鸚鵡賦

右賦十四家二十二篇

王粲登樓賦

文帝柳賦

陳思王植洛神賦 感節賦 鵠雀賦

鄒鄆淳投壺賦

何晏景福殿賦

卞蘭許昌宮賦

嵇康琴賦

阮籍東平賦 首陽山賦

右賦八家重一家十一篇

向秀思舊賦

張華鷓鴣賦 歸田賦

木華海賦

陸機文賦
歎逝賦

陸雲歲暮賦

左思三都賦三篇

潘岳笙賦
藉田賦
秋興賦
閒居賦
射雉賦
懷舊賦

竇媛賦
悼亡賦

摯虞思遊賦

成公綏嘯賦

郭璞江賦

孫綽遊天台山賦

右賦十一家二十二篇

傅亮九月九日登凌闕館賦
感物賦

謝惠連雪賦

謝莊月賦

顏延之豬白馬賦

鮑昭蕪城賦

舞鶴賦

游思賦

右賦五家八篇

張融海賦

右賦一家一篇

簡文帝箏賦

對燭賦

江淹去故鄉賦

江上之山賦

別賦

恨賦

麗色賦

學梁王菟園賦

橫吹賦

沈約郊居賦

陸倕思田賦

右賦四家十一篇

江總修心賦

右賦一家一篇

庾信枯樹賦

哀江南賦

小園賦

春賦

右賦一家四篇

凡賦七十家二百六篇通人碩士先代所傳奇辭奧旨備於此矣其離章斷句闕佚不屬者與其文不稱辭者皆不與是論日賦烏乎統日統乎志志烏乎歸日歸乎正夫民有感於心有概於事有達於性有繆於情故有不得已者而假於言言象也象必有所寓其在物之變化天之漻漻地之囂囂日出月入一幽一昭山川之崔蜀杳伏畏佳林木振硪谿谷風雲霧霧霆震寒暑雨則爲雪霜則爲露生殺之代新而嬗故鳥獸與魚草木之華蟲走竚趨陵變谷易震動薄蝕人事老少生死傾植禮樂戰鬪號令之紀悲愁勞苦忠臣孝子羈士寡婦愴佚憮駭有動於中久而不去然後形而爲言於是錯綜其辭回悟其理鏗鎔其音以

求理其志其在六經則爲詩詩之義六曰風曰賦曰比曰
興曰雅曰頌六者之體主於一而用其五故風有雅頌焉
七月是也雅有頌焉有風焉烝民崧高是也周澤衰禮樂
缺詩終三百文學之統熄古聖人之美言規矩之奧起鬱
而不發則有趙人荀卿楚人屈原引辭表旨譬物連類述
三王之道以譏切當世振塵滓之澤發芳香之鬯不謀同
偶竝名爲賦故知賦者詩之體也其後藻麗之士祖述憲
章厥製益繁然其能之者爲之愉暢輸寫盡其物和其志
變而不失其宗其淫宕佚放者爲之則流遁忘反壞亂而
不可紀謫而不解盡而不敷肆而不衍比物而不醜其志
滌其物芳其道杳冥而有常此屈平之爲也與風雅爲節
渙乎若翔風之運輕縠灑乎若元泉之出乎蓬萊而注渤
澥及其徒宋玉景差爲之其質也華然其文也縱而後反

雖然其與物推拍宛轉洽然其義轂轢於物笏笏乎古之徒也剛志決理輓斷以爲紀內而不汙表而不著則荀卿之爲也其原出於禮經樸而飾不斷而節及孔減司馬遷爲之章約句制稟不可理其辭深而旨文確乎其不頗者也其趣不兩其於物無弱若枝葉之附其根本則賈誼之爲也其原出於屈平斷以正誼不由其曼其氣則引費而不可執循有樞執有廬頓渭而不可居開決底突而與萬物都其終也笏莫而神明爲之橐則司馬相如之爲也其原出於宋玉揚雄恢之脇入竅出緣督以及節其超軼絕塵而莫之控也其波駭石罿而沒乎其無垠也張衡盱盱塊若有餘上與造物爲友而下不遺埃墟雖然其神也充其精也茶及王延壽張融爲之傑格拮授鉤子敢悟而假偽可覩其於宗也無蛻也平敞通洞博厚而中大而無瓠

孫而無弧指事類情必偶其徒則班固之爲也其原出於
相如而要之使夷昌之使明及左思爲之博而不沈贍而
不華連朴焉而不可止言無端厓傲倪以爲質以天下爲
郛廓入其中者眩震而謬悠之則阮籍之爲也其原出於
莊周雖然其辭也悲其韻也迫憂患之辭也塗澤律切琴
轂紛悅則曹植之爲也其端自宋玉而朽其角摧其牙離
其本而抑其末浮華之學者相與尸之率以變古捐捐平
改繩墨易規矩則佞之徒也不捐於同不獨於異其來也
首首其往也曳曳動靜與適而不爲固植則陸機潘岳之
爲也其原出於張衡曹植矯矯乎振時之儔也以情爲裏
以物爲襯鏘雕雲風琢削支鄂其懷永而不可忘也全乎
其氣煊乎其華則謝莊鮑昭之爲也江淹爲最賢其原出
於屈平九歌其掩抑沈怨洽洽輕輕其縱脫浮宕而歸大

常鮑昭江淹其體則非也其意則是也逐物而不反駘蕩而駁舛俗者之固而古是抗其言滑滑而不背於塗奧則庶信之爲也其規步羃驟則揚雄班固之所引銜而控轡惜乎拘於時而不能騁然而其志達其思哀其體之變則窮矣後之作者概乎其未之或聞也乾隆五十有七年四月日武進張惠言

賦鈔卷一

楚辭十二家八十二篇

屈平二十五篇 宋玉十一篇 景差一篇 買誼一篇
淮南小山一篇 東方朔八篇 莊忌一篇 劉向九
篇 揚雄一篇 枚乘八篇 曹植八篇 張協八篇
屈原離騷。

帝高陽之苗裔兮朕皇考曰伯庸攝提貞於孟陬兮惟庚
寅吾以降皇覽揆余選下有於字初度兮肇錫余以嘉名名余
日正則兮字余曰靈均紛吾旣有此內美兮又重之以修
能扈江離與辟芷兮紩秋蘭以爲佩汨余若將不及兮恐
年歲之不吾與朝翠阤之木蘭兮夕攬洲之宿莽日月忽
其不淹兮春與秋其代序惟草木之零落兮恐美人之遲
暮不撫壯而棄穢兮何不改乎此度也乘騁驥以馳騁兮

來吾道夫先路昔三后之納粹兮固衆芳之所在雜申椒
與菌桂兮豈惟紩夫蕙茝彼堯舜之耿介兮旣遵道而得
路何桀紂之猖披兮夫惟捷徑以窘步惟夫選無黨人之
偷樂兮路幽昧以險隘豈余身之憚殃兮恐皇輿之敗績
忽奔走以先後兮及前王之鍾武荃不察余之中情兮反
信讒而齎怒余固知謇謇之爲患兮忍而不能舍也指九
天以爲正兮夫惟靈脩之故也初旣與余成言兮後悔遁
而有他余旣不難夫此字離別兮傷靈脩之數化余旣滌
蘭之九畹兮又樹蕙之百畝留夷與揭車兮雜杜蘅與
芳芷冀枝葉之峻茂兮願俟時乎吾將刈雖萎絕其亦何
傷兮哀衆芳衆芳卽指道德。舊謂衆賢非是之無穢以上一節傷
有道不見用衆皆競進以貪婪兮馮不厭乎求索羌內恕已以量人兮各興心
而嫉妒忽馳騖以追逐兮非余心之所急老冉冉其將至

兮恐脩名之不立朝飲木蘭之墜露兮夕餐秋菊之落英
苟余情其信姱以練要兮長顙領亦何傷孽木根以結茝
兮貫薜荔之落葉矯菌桂以紉蕙兮索胡繩之纏纏簪吾
法夫前脩兮非世俗之所服雖不周於今之人兮願依彭
咸之遺則彭咸之遺則謂其道也彭咸之所居謂其死也長太息以掩涕兮
哀民生之多艱余雖好修姱以鞿羈兮謇朝谇而夕替兮
替余以蕙纕兮又申之以攬茝亦余心之所善兮雖九死
其猶未悔怨靈脩之浩蕩兮終不察夫民心衆女嫉余之
蛾眉兮謠謡謂余以善淫固時俗之工巧兮偭規矩而改
錯背繩墨以追曲兮競周容以爲度忳鬱邑余侘傺兮吾
此序遯無獨窮困乎此時也甯溘死以流亡兮余不忍爲此態也
也鶴鳥之不羣兮自前世而固然何方圜之能周兮夫孰
異道而相安屈心而抑志兮忍尤而攘詬伏清白以死直

分固前聖之所厚。以立嫉妒者必情之至死。悔相道之不察兮。延佇乎吾將反。回朕車以復路兮。及行迷之未遠。步余馬於蘭皋兮。馳椒邱且焉止息。進不入以離尤兮。退將復修吾初服。製芰荷以爲衣兮。集芙蓉以爲裳。不吾知其亦已兮。苟余情其信芳。高余冠之岌岌兮。長余佩之陸離。芳與澤其雜糅兮。惟昭質其猶未虧。忽反顧以遊目兮。將往觀乎四荒。佩纕紛其繁飾兮。芳菲菲其彌章。民生各有其所樂兮。余獨好脩以爲常。雖體解吾猶未變兮。非余心之可懲。此節言將高隱而不忍甯遭嫉妬不以遷禍而恝然君國也。往觀四荒卽下文上下求索女嬃之嫋嫋兮申其詈子曰。鈞婞直以亡身兮。終然歿乎羽之野。汝何博謇而好脩兮。紛獨有此姱節。蕡菉葹施以盈室兮。判獨離而不服衆不可。戶說兮孰云察余之中情。世並舉而好朋兮。夫何勞獨而不余聽。以上女嬃辭勸以貶節依前聖以節

中兮喟憑心而憇茲濟沅湘以南征兮就重華而歫詞啓
九辯與九歌兮夏康娛以自縱不顧難以圖後兮五子用
失乎家巷羿淫遊以佚畋兮又好射乎封狐國亂流其鮮
終兮泥又貪夫厥家澆身被服強圉兮縱欲殺而不忍且
康娛而自忘兮厥首用夫顛墮夏桀之常違兮乃遂焉而
逢殃后辛之菹醢兮殷宗用而不長湯禹儼而祇敬兮周
論道而莫差舉賢而授能兮循繩墨而不頗皇天無私阿
兮覽民德焉錯輔夫惟聖哲以茂行兮苟得用此下土瞻
前而顧後兮相觀民之計極夫孰非義而可用兮孰非善
而可服阽余身而危死兮覽余初其猶未悔不量鑿而正
枘兮固前脩以菹醢曾歎欷余鬱邑兮哀朕時之不富攬
茹蕙以掩涕兮霑余襟之浪浪以上陳辭重華跪敷衽以言道不可貶
陳辭兮耿吾既得此中正駟玉虬以乘鷺兮溘埃風余上

征接上注。謂以道驅也。荒四也。朝發朝於蒼梧兮。夕余至乎縣圃。欲少留。此靈瑣兮。日忽忽其將暮。吾令羲和弭節兮。望崦嵫而勿迫。路漫漫其脩遠兮。吾將上下而求索。上謂君下謂臣。帝闔不開。傷懷女傷椒蘿也。飲余馬於咸池兮。總余轡乎扶桑。折若木以拂日兮。聊逍遙。須臾作以相羊。前望舒使先樞兮。後飛廉使奔屬鸞皇爲余先戒兮。雷師告余以未具。吾令鳳鳥飛騰兮。遷鳥作皇。繼之以日夜。飄風屯其相離兮。帥雲霓而來御。紛總總其離合兮。班陸離其上下。吾令帝闔開闢兮。倚闔闔而望予。時曖曖其將罷兮。結幽蘭而延佇。世溷濁而不分兮。好蔽美而嫉妒。朝吾將濟於白水兮。登閭風而繯馬。忽反顧以流涕兮。哀高邱之無女。澁吾遊此春宮兮。折瓊枝以繼佩。及榮華之未落兮。相下女之可詒。吾令豐隆乘雲兮。求宓妃之所在。解佩纕以結言兮。吾令斐修以

爲理紛總繞其離合兮忽緝繕其難遷夕歸次於窮石兮
朝濯髮乎洧盤改厥美以驕敖兮日康娛以淫遊雖信美

而無禮兮來違棄而改求卽蘭芷變而不芳之意覽相觀於四極兮

周流乎天余乃下望瑤臺之偃蹇兮見有娀之佚女吾令

鳩爲媒兮鳩告余以不好雄鳩之鳴逝兮余猶惡其佻巧

心猶豫而狐疑兮欲自適而不可鳳皇旣受詒兮高辛

之先我欲遠集而無所止兮聊浮游以逍遙及少康之未

家兮留有虞之二姚理弱而媒拙兮恐導言之不固世溷

濁而嫉賢兮好蔽美而稱惡閨中旣以遠兮哲王又不

寤懷朕情而不發兮余焉能忍與此終古以土一節言以

遺謗陵楚之君

百卉不育能悟索蘋茅以筵簾兮命靈氛爲余占之曰兩美其必

合兮貌信脩而慕之恩九州之博大兮豈惟是其有女承

求女不忍言求君也日勉遠逝而無狐疑兮孰求美而釋女何所獨

無芳草兮爾何懷乎故宇世幽昧以眩曜兮孰云察余之
善選作美惡民好惡其不同兮惟此黨人其獨異戶服艾以
盈要兮謂幽蘭其不可佩覽察草木其猶未得兮豈珵美
之能當蘇糞壞以充幃兮謂申椒其不芳以上靈氣辭
副其去楚欲從靈氣之吉占兮心猶豫而狐疑巫咸將夕降兮懷椒糈
而要之百神翳其備降兮九嶷縕其並迎皇剡剡其揚靈
兮告余以吉故曰勉陞陞以上下兮求榘壤之所同湯禹
嚴而求合兮摯咎繇而能調苟中情其好脩兮又選無
此字何必用夫行媒說操築於傅巖兮武丁用而不疑呂望之鼓
刀兮遭周文而得舉甯戚之謳歌兮齊桓聞以該輔及年
歲之未晏兮時亦猶其未央功心鵠鵠之先鳴兮使夫選無
此字百草爲之不芳何瓊佩之偃蹇兮衆夔然而徽之惟此黨
人之不諒兮恐嫉妬而折之巫咸之言以嫉妬折之爲時
主所以聞而將遠避也

繽紛其變易兮又何可以淹留蘭芷變而不芳兮荃蕙化而爲茅何昔日之芳草兮今直爲此蕭艾也豈其有他故兮莫好脩之害也余以蘭爲可恃兮羌無實而容長委厥美以從俗兮苟得列乎衆芳椒專佞以慢慆兮櫟又欲充夫選作佩幃旣干進而務入兮又何芳之能祇固時俗之從流兮又孰能無變化覽椒蘭其若茲兮又況揚車與江離惟茲佩其可貴兮委厥美而歷茲芳菲菲而難虧兮芬至今猶未沫和調度以自娛兮聊浮游而求女及余飾之方壯兮周流觀乎上下以上巫咸詞

言楚不可留靈氣既告余以吉占

兮歷吉日乎吾將行折瓊枝以爲羞兮精瓊臞以爲糧爲余駕飛龍兮維瑤象以爲車何離心之可同兮吾將遠逝以自疏九州求女固所不忍而嫉妒之折又可畏則有遠也遯自疏聊以遠害耳而又不忍故使從彭咸所居也遭吾道夫崑崙兮路脩遠以周流揚雲霓之瞻藹兮鳴

玉鸞之啾啾。朝發軒於天津。夕余至平西。極鳳皇翼其
承旂。兮高翔。之翼翼。忽吾行。此流沙。兮蓮赤水。而容與。
麾蛟龍。使梁津。兮詔西皇。使涉予。路脩遠。以多艱。兮騰衆
車。使徑待。路不周。以左轉。兮指西海。以爲期。屯余車。其干
乘。兮。齊玉軌。而並馳。駕八龍。之婉婉。兮載雲旗。之委蛇。抑
志。而弭節。兮神高馳。之邈邈。奏九歌。而舞韶兮。聊假日。以
娛樂。陟陞。皇之赫戲。兮忽臨睨。夫舊鄉。僕夫悲。余馬懷。兮
蟠局。顧而不行。亂曰已矣哉。國無人。莫我知。兮又何懷乎。
故都旣莫足。與爲美政兮。吾將從彭咸之所居。王句爲屑次。
作乎吾將反吾將上下而求索吾將遠逝吾將刈逐

屈原九歌

吉日兮辰良。穆將諭兮上皇。撫長劒兮玉珥。璆鏘鳴兮射
琅瑯席兮玉瑱。盍將把兮瓊芳。薦肴蒸兮蘭藉奠桂酒兮射

椒漿揚枹兮拊鼓疏緩節兮安歌陳竽瑟兮浩倡靈偃蹇兮
交服芳菲菲兮滿堂五音紛兮繁會君欣欣兮樂康

東皇太一

此言以道承君冀君之樂已十一篇連讀

浴蘭湯兮沐芳華采衣兮若英靈連蜷兮旣留爛昭昭兮
未央塞將憺兮壽宮與日月兮齊光龍駕兮帝服聊翱遊
兮周章靈皇皇兮旣降森遠舉兮雲中覽冀州兮有餘橫
四海兮焉窮思夫君兮太息極勞心兮懼懼

雲中君

言君苟用己則可以安覽天下惜此會之不可得也

君不行兮夷猶塞誰留兮中洲美要眇兮宜修沛吾乘兮
桂舟令沅湘兮無波使江水兮安流望夫君兮未歸作來
吹參差兮誰思駕飛龍兮北征遭吾道兮洞庭薜荔拍兮
蕙綢蓀橈兮蘭旌選蓀橈作承莖橈望涔陽兮極浦橫大江兮揚
靈揚靈兮未極女嬪媛兮爲余太息橫流涕兮潺湲隱思

君兮畔側桂櫂兮蘭楫。斲冰兮積雪采薜荔兮水中翠芙蓉兮木末心不同兮媒勞恩不甚兮輕絕石瀨兮淺淺飛龍兮翩翩交不忠兮怨長期不信兮告余以不聞鼈鴟驚兮江皋夕弭節兮北渚鳥次兮屋上水周兮堂下捐余玦兮江中遺余佩兮醴浦采芳洲兮杜若將以遺兮下女皆不可兮再得聊逍遙兮容與。

湘君

此離騷所謂
曹王不悟也

帝子降兮此渚目眇眇兮愁予嫋嫋兮秋風洞庭波兮木葉下白蘋蘋選作
蘋兮騁望與佳期兮夕張鳥萃兮蘋中晝何爲兮木上沉有芷兮醴有蘭思公子兮未敢言荒忽兮遠望觀流水兮潺湲麋何食兮庭中蛟何爲兮水裔朝馳余馬兮江皋夕濟兮西澑聞佳人兮召予將騰駕兮偕逝築室兮水中葺之兮荷蓋荷上
有以字蓆壁兮紫壇羽芳椒兮成

堂桂棟兮蘭橑辛夷楣兮葍房罔薜荔兮爲帷擗蕙櫋兮
旣張白玉兮爲鎮疏石蘭兮爲芳芷葺兮荷屋緣之兮杜
蘅合百草兮實庭建芳馨兮廡門九疑纊兮並迎靈之來
兮如雲捐余祓兮江中遺余襟兮醴浦塞汀洲兮杜若將
以遺兮遠者時不可兮蹀得聊逍遙兮容與

湘夫人

湘君比君故湘夫人比椒蘭此離騁所謂閨中遠也

廣開兮天門紛吾乘兮元雲令飄風兮先驅使凍雨兮灑
塵君迴翔兮以下踰空桑兮從女紛總總兮九州何壽天
兮在子高飛兮安翔乘清氣兮御陰陽吾與君兮齋速導
帝之兮九坑靈衣兮被被玉佩兮陸離壹陰兮壹陽衆莫
知兮余所爲折疏麻兮瑤華將以遺兮離居老冉冉兮既
極不寢近兮金疏乘龍兮轔轔高駢兮冲天結桂枝兮延
趺羌愈思兮愁人愁人兮奈何願若今兮無虧固人命兮

有當孰離合兮可爲

大司命

惜往日之曾信也

秋蘭兮麋蕪羅生兮堂下綠葉兮素枝
選作華芳菲菲兮襲予夫人自有兮美子蓀何召選作爲兮愁苦秋蘭兮青青綠葉兮紫莖滿堂兮美人忽獨與余兮日成入不言兮出不辭乘回風兮載雲旗悲莫悲兮生別離樂莫樂兮新相知荷衣兮蕙帶儻而來兮忽而逝夕宿兮帝郊君誰須兮雲之際選下有與汝游兮九河鹹鷗起兮水揚波與女沐兮咸池晞女髮兮陽之阿選女並望美人兮未來臨風悅兮浩歌孔蓋兮翠旛登九天兮撫彗星竦長劒兮擁幼艾蓀獨宜兮爲民正少司命大司命比懷王少司命又比子蘭秋蘭目子蘭蓀目君也所美果美君何愁苦乎瞻將出兮東方照吾櫨兮扶桑撫余馬兮安驅夜皎皎兮旣明駕龍輶兮乘雷載雲旗兮委蛇長太息兮將上心低

徊兮顧懷羌聲色兮娛人觀者憺兮忘歸綴瑟兮交鼓簫
鐘兮瑤簾鳴瑟兮吹竽思靈保兮賢妃翾飛兮翠曾展詩
今會舞應律兮合節靈之來兮蔽日靈保謂賢臣翼
之來謂小人翼青雲衣兮白霓裳舉長矢兮射天狼操余弧兮反淪降援北斗
兮酌桂漿撰余轡兮高駝翔杳冥冥兮以東行

東君

傷痕裏也嗣政之初如日方出
豈意聲色是娛終於杳冥乎

與女遊兮九河衝風起兮橫波乘水車兮荷蓋屬兩龍兮
滲離登崑崙兮四望心飛揚兮浩蕩日將暮兮悵忘歸惟
極浦兮寤懷魚鱗屋兮龍堂紫貝闕兮朱宮靈何爲兮水
中乘白龍兮逐文魚與女遊兮河之渚流澌紛兮將來下
予交手兮東行送美人兮南浦波滔滔兮來迎魚隣隣兮

媵子

河伯

此草梗懷
沙之志

若有。人。兮。山。之。阿。被。薜。荔。兮。帶。女。羅。旣。含。睇。兮。又。宜。笑。子。
 蓼。子。兮。善。窈。窕。宛。乘。赤。豹。兮。從。文。狸。辛。夷。車。兮。結。桂。旗。被。石。
 蘿。兮。帶。杜。衡。折。芳。馨。兮。遺。所。思。余。處。幽。篁。兮。終。不。見。天。路。
 險。難。兮。獨。後。來。表。獨。立。兮。山。之。上。雲。容。容。兮。而在。下。杳。冥。
 冥。兮。羌。書。晦。東。風。飄。兮。神。靈。雨。留。靈。脩。兮。憺。忘。歸。歲。旣。晏。
 兮。孰。華。子。雲在下蔽之也。故曰孰華子。采。三。秀。兮。於。山。間。石。磊。
磊。公。葛。蔓。蔓。怨。公。子。兮。悵。忘。歸。君。思。我。兮。不。得。閒。而。公。子。
 蔽。之。所。以。怨。也。山。中。人。兮。芳。杜。若。飲。石。泉。兮。蔭。松。柏。君。思。我。兮。然。
 疑。作。雷。填。填。兮。雨。冥。冥。爰。啾。啾。兮。又。選作夜鳴風颯颯。兮。
 木。蕭。蕭。思。公。子。兮。徒。離。憂。雷填雨冥以比國危禍成於公子故曰思公子兮徒離憂。

山鬼

雖死不忘君故以山鬼自比予山鬼子君與公子也

操。吳。戈。兮。被。犀。甲。車。錯。轂。兮。短。兵。接。旌。蔽。日。兮。敵。若。雲。矢。
 交。墜。兮。士。爭。先。凌。余。陣。兮。踐。余。行。左。驂。殪。兮。右。刃。傷。霾。兩。

輪兮繫四馬援玉枹兮擊鳴鼓天時墜兮威靈怒嚴殺盡
兮棄原墜出不入兮往不反平原忽兮路超遠帶長劍兮
挾秦弓首身離兮心不懲誠旣勇兮又以武終剛強兮不
可凌身旣死兮神以靈子魂魄兮爲鬼雄

國殤

以忠死故比國殤

成禮兮會鼓傳芭兮代舞嬌女倡兮容與春蘭兮秋菊長
無絕兮終古

禮魂

箋知我者於百世之下

屈原天問

屈原天問六詩之比也宋玉招魂乃是興

日遂古之初誰傳道之上下未形何由考之明昭普闇誰
能極之明昭普闇渾沌窈冥也馮翼惟像何以識之淮南子云天墜未形馮翼翼
注無形之說明明闇闇惟時何爲明明闇闇書夜也陰陽三合何本何化
治政遠游曰道可受兮不可傳庶類以成兮此德之門

凡言何者非有所疑欲藉以告君莫幸一悟也

茲何功孰初作之

幹維焉繫天極焉加幹轉也幹維天之中地

柱何當東南何虧

洪輿祖云河圖言崑崙者地之中也下有八柱桂廣十萬里有三千六百輔

九天之際安放安屬隈隅多有誰知其數

淮南子云天有九野九千九百

九十九隅注九野九天之野一千一百一十一隅

天地定位政法莫大乎此日月安屬列星安陳

王逸云昔十二辰分合也十二

日月星辰天地之用君臣上下法

之出自湯谷次於蒙汜自明及晦所行幾里夜光

何德死則又育厥利維何而顧菟在腹王云夜光月也言月之德本以盈虧隨日故死則又生亦如日之明晦不息也何利於顧菟而藏之腹乎日

則又育厥利維何而顧菟在腹

王云夜光月也言月之德本以盈虧隨日故死則又生亦如日之明晦不息也何利於顧菟而藏之腹乎日

附德君道也懷裏偷情非健行也月陰德婦道臣道也鄭

禮子蘭包藏姦女則顧菟也

女歧無合夫焉取九子王云女歧神女伯

強何處惠氣安在

王云伯强大屬疫鬼也惠氣和氣也何闔而晦何開而明

角宿未旦曜靈安藏角爲天門日月五星所出經緯之

政有生殺張弛出必有門行必有端不任汨鴻師何以制

以上爲一節製造物端委權輿人事

猶則顧菟也

之

王云治也

鴻大水也

師衆尙舉也

而行之

言衆皆以

鯀治水無憂

堯何不

鴻龜曳銜鯀何聽

焉

王云鯀死鴻龜曳銜之事若禹之用應龍畫地也

順欲成

功

帝何刑焉

鯀設能順衆人之欲以成功帝何爲

禹過在羽

山夫何

三年不施

王云施舍也

伯禹腹鯀夫何以變化

洪云詩出入腹

我僕

鯀築就前緒

遂成考功

何續初繼業

而厥謀不同

洪泉

極深何以寘之

古竇

地方九則何以墳之

九則九州也

應

龍何畫河海何歷

王云禹治洪水時有神龍以尾畫地導

天

地之事

故舉鯀禹治水

以爲人事發端

鯀婞直以亡身

誰騷用以自況是不以爲小人也恭言鯀亦有治水之才

禹亦紙纂鯀之績而成敗相反則順欲與違道異耳鴻龜

曳銜之則敗應龍畫地用之則成能順欲則能分

禹

肖鯀何所營禹何所成康回怒墮何故以東南傾

王云禹

共工名也淮南子言共工與頸項爭爲帝不得怒而觸不

周之山天維絕地柱折故東南傾也

鯀營之禹成之其

難如是至康回則一怒敗之所以治所以亂何耶離騷云

夫堯舜

之耿介兮既遵道而得路

夫何桀紂之猖披兮

彼堯舜

之耿介兮既遵道而得路

夫何桀紂之猖

彼堯舜之耿介兮既遵道而得路

夫何桀紂之猖

彼堯舜之耿介兮既遵道而得路

夫何桀紂之猖

彼堯舜之耿介兮既遵道而得路

夫何桀紂之猖

彼堯舜之耿介兮既遵道而得路

夫何桀紂之猖

彼堯舜之耿介兮既遵道而得路

惟捷徑以寡步卽順欽之意也
下文乃指言治道而歸本君明王云

王云

深

也東流不溢孰知其故以起下東西南北其修孰多南北

順墮其衍幾何

天地東西短南北長

深

蒙上

增城九重其高幾里四方之門其誰從焉西北辟啓何氣

通焉

王云崑崙山元氣所出其額曰縣圃乃上通於天也

洪云淮南子言崑崙虛中有增城九重其高萬一千

里百一十四四步二尺六寸又崑崙虛旁有四百四十門

崑崙虛五橫維其西北隅北門開以納不周之風也

天

地之大而崑崙增城爲之橐籥天與地之遠而崑崙辟咎

元氣相通示爲政之有要道不遠而可求也

東西橫南

北縱楚之失計在日安不到燭龍何照

洪云淮南子言燭龍

在雁門北蔽於

連橫亦微見之委羽之山不見日其神羲和之未揚若華何光何

承上言操橐鑰在

方日雄南

人而龍身而無足也

招魂南

何所夏寒承上言操橐鑰在焉有石林何獸能言

未詳

石林

益險害明君不明則政失節焉有虬龍負熊以遊雄虺九首倏忽焉在

招魂南

方日雄南

之山靡漭九衢棄華安居

洪說以山海經宣山有桑其

枝九首往來倏忽何所不死長人何守王云括地象曰有不死之

洪說以山海經宣山有桑其

根

封禺

九衢棄華安居

洪說以山海經宣山有桑其

四簡少室山有木名帝休其枝玉衡注交錯相重象路衢。一蛇吞象厭大何如。海經南三年酒出其骨象黑水元趾三危安在延年不死壽何所止。蒸黑水元趾三危陵魚何所魅堆焉處。洪云山有陵魚人面人手魚身見則風濤起又北號山有鳥狀如雞而白首鼠足名曰魅雀食人字書鵠音堆雀屬也則魅堆卽羿焉彈日烏焉解羽王云淮南子言堯時十日並日中其九日日中九鳥皆死墮其羽翼言政失節使羣人非常形麻蒼枲華枝葉分布吞象言害大不凡言害遠陵魚非人魅堆食人思得羿之彈日解去之而不能也諸所譬況與鳴寇曳衡相終始以上爲一禹之力獻功降省節明治亂之道以下乃比楚事切言之禹之力獻功降省下土四方焉得彼僉山女而通之台桑王云言禹治水道淤通夫婦之道閔妃匹合厥身是繼胡維嗜不同味而使蠶飽言禹憂無妃匹而欲身立繼嗣何以四日便舍去如食餉之止朝餉乎傷懷王也夫婦人倫之始萬福之原禹厭身是繼卽舍去懷於台桑之地閔妃匹合厥身是繼胡維嗜不同味而使蠶天下有扈不服大戰于甘故曰卒然離璧也何啓惟憂而

能拘是達。惟思也拘王云隔也言啓思憂遠能通達拘隔城有扈也皆歸歟羈而無害

厥躬何后。益作革而禹播降啓棘賓商九辭九歌何勤子

屠母而死。分竟地爲皆中理而窮情益奉鮮食所謂作革

也離騷云啓九辯與九歌今夏康娛以自經不顧難以圖後今五子用失乎家巷山海經云夏后上三嬪於天得九辟與九歌以下注云昔天帝樂名啓登天而寫之以下國語云啓有五觀以爲孫子韋昭注五觀啓子太康昆弟觀于洛汭引書序云太康失國昆弟五人須于洛汭蓋啓晚年自絕不節故及子而失國五子降居閭巷則此云死分竟地蓋指此也特勤子屠母不可考耳此言啓之所爲中理窮情而無所害於其身卽與禹益何異乃自得九辯九歌而庶民娛自縱遂至死分竟地也竟境本字王云棘陳也竇列也言啓陳列商聲之樂像頃襄也繼世之君如啓孫況不如啓乎帝降夷羿革孽下民帝天也夷羿左目羿又夢與洛水神宓妃交接也馮珧利涉封豨是趺何獻蒸肉之膏而夫河伯而妻彼洛濱化爲白龍游於水旁羿見肽之耻其后帝不若王云鴻埃也疏弓名也決狀轍也封猶神獸也言羿犧牲時猶以其肉膏祭天天帝猶不顧羿之所在迎娶純狐脣妻爰謀純狐氏女何羿之朕革而交吞

接之。以別之善敗而信用寒浞揆度交吞之事。傳秦給王曰吉何絕秦歡由此也故本而言之以罪麥洛濱阻窮況也。秦之厚賂王何故顧之深恨之辭浞指蘇秦謂窮西征歲何越焉。王以爲堯放鯀山西行赴墮死按尹周南王東裔不容西征鯀亦未嘗墮死此固爲說則非化爲黃熊巫何活焉。解始治永西征言西征之必化爲黃熊巫。只能活之乎。咸播秬黍於瘠薄之地矣。何鮮獨遭屏投而疾脩盈也。言水土既平民播秬黍皆水草也。并屏通疾惡脩長盈滿也。荀洪云卽蕡字蕡穀皆水草也。惡之脩如是乎。白魄嬰茀胡爲此堂安得夫自策不能固臧天式縱橫陽離爰死大鳥何鳴夫焉喪厥體。王云曉雲之有白雲遠池若蛇者也。此堂屈原所見祠堂也。式法也。天法王子子爵子爵化爲白魄而嬰茀持藥與之崔文子學僊於戈擊覲中之因墮其藥俯而視之王子爵之尸也。崔文子驚怪引取王子爵之尸置之室中覆之以微篋須臾則化爲大鳥而鳴開而視之翻飛而去。洪云事見列傳傳藏藏日本字。傷懷王客死於秦也。民望未厭故日成吊種黍又日抱白魄號起。兩何以至。況似目瞿也。謬弗云此堂者哀痛之至。

興之

皆云清號

屏

撰體

協脅

鹿

何膺之

王云言天撰十二

頭臂

何膺受

鼈戴

山

此形體乎

此山高不可舞

虞滄

搏之中

釋舟

陵行

何以遷之

此事未詳惟澆在戶

何求于

嫂何少康逐犬而顛

隕厥首女歧縫裳而館同爰止

何顛

易厥首而親以逢殆

王云女歧澆嫂也

言澆無義淫泆其

女歧爲之縫裳因共舍而宿

止夏少康因用獵放犬逐獸

夜襲得女歧頭以爲摸

因翻之又襲殺澆故言易首遇危

也湯謀易旅何以厚之

湯終作陽言少康陽爲田蠻固以

攘虎變易澆衆使之從已當何以

厚其民乎

覆舟斟尋何道取之

竹書紀年云帝摶二十七年澆

左氏傳云少康收斟灌斟尋

二國之燼

以後夏故言斟尋

之復仇也先著斟號八句者起兩事發於微也撰體事合

於衆也戴山在也程舟勇也以上爲一節緊楚亂言之

桀伐蒙山何所得焉妹嬉何肆湯何殛焉

王云言桀伐蒙

山之國而得妹

嬉舜閔在家父何以鰥堯不她告二女何親厥萌在初何

所億焉璜臺十成誰所極焉

言桀得姐已爲璜臺十重曲糾極其欲故不可億度也

登立爲帝。孰道尙之女螭有體。孰制匠之山海經注云女而能身一日中七十變。言升立爲帝者其道可行也。女螭豈徒以異體乎？以下反復禍敗之由而傳已之不見用也。懷王之禍始於鄭袖。首悲君之無賢。兄妹嬉亡。夏二女與姚姬已亡。商女螭復吳肆之者誰極之者。秦也。服厥弟終然爲害。何肆大體而厭身不危敗？妾不能發舜也。接山不吳獲迄古南嶽是止。執期去斯得兩男子。兩男子秦伯仲雍也。古無迄字。只作乞求也。胡曾曰：「吳能與同求古公之尤，而獲之遂逃去。」止於南岳，有以也。楚能與同心，則自而去。遂以問吳。張良之活蕭何，非能成其君之無賢兄弟。舜若危敗其身，以事重慶得爲安乐。仲英之賢，秦伯何以緣鵠飾玉后。帝是饗何承謀，復集終以成娶帝。聞吳郎。乃降覩下。逢伊摯何條放。致罰而黎服大說。高辛氏固隸修玉鼎。以上湯湯則饗之何去。湯就桀而桀終以滅。東不用故也。湯出微風俗達伊尹。自夏而反乃有天之罰以誅桀放之鳴條。九服黎眾大詭也。言楚亂簡狄在塗。譬有至甚。豈國無人。不屑耳。伊尹曰：「自取也。」

宜元鳥致貽女。何嘉。

王云：言湯伏侍淮譽於臺上有幾盡云及桀華之未落兮。相不友之可語元鳥致焉亦

此意也。二句承上開下。

方言湯故以簡狄爲號。該承季

德厥父是減胡終獎子有扈牧夫牛羊王充潛夫論云太
皆有昏德不堪帝事降須洛汭是謂五觀國語曰晉有五
觀而左氏傳曰夏有觀扈王邊云招殺燒滅有扈漢書
地理志扈國在扶風郿縣左馮翊襄德洛水東南入渭
地相近或啓城有扈卽封五觀及祖祀武王乃滅之故人
稱洛汭降居家巷也此有扈當指五觀謬指也季德有
繼之德言五子皆秉啓未年之昏德以父之所行爲善行
弊於有扈于協時舞何以懷之平齊憂膚何以肥之五
方牧夫也秉啓之季德也墨子述武觀云啓乃淫泆康樂野於
食湛渴於酒渝食於野萬舞翼翼天用弗去卽此謂之有
扈牧豎云何而逢擊牀先出其命何從滅有扈事恆
德焉得夫朴牛何往營班祿不但還求事未詳疑私
山何使之營於班設持閼攻乎觀也言有扈者謂
襄委任椒蘭君臣盤築放棄賢者故以五觀得之下坐
與並淮深鑛之也懷王之事不可遺矣項
括魏卽此意昏微遵迹有秋不留何繁鳥萃蘋負子
也清王云人有循閭微之道爲夷狄之行者謂晉大夫解
大司馬引詩刺之曰墓門有棘眩弟也注危害厥兒何
謂之草止蔽日繁鳥萃蘋轉也眩弟也注危害厥兒何
謂之作詐後嗣而逢長正以眩弟爲象然始者非一人之
也昏微肆情眩弟作詩謂之

微用得乎哀郢云憎愠惄成湯東巡有莘爰極何乞彼小臣而吉妃是得水濱之木得彼小子夫何惡之勝有莘之

婦

王云伊尹之母化爲空桑之木有莘恩伊尹從木中出妃也因以送女湯東巡守從有莘氏乞勾伊尹固得吉善之能用賢者求之不能用賢者棄之湯出重泉夫何

終上簡

狄在臺二句之道以土爲一滴人之心而伐桀誰挑之哉伊尹也書日蒙上言湯之興由伊尹也魯記爭盟何踐吾

賦載泊毫

蒙上言湯之興由伊尹也書日勇往如鷹鳥羣飛也將帥期蒼鳥羣飛孰使萃之王云蒼鳥羣飛也將帥到擊紂躬叔

旦不嘉

王以武王始至孟津白魚入玉舟羣臣咸曰休哉周公日雖休勿休是爲叔旦不嘉何熟撰發足周之命以洛嗟言周公辭曰勿休猶親揆度天命發

發足周之命

足往後周命遂成而百姓咨嗟美之也遂言武王之授殷天下其位安施反成乃亡其罪伊興由太公周公也

造就

周何以使之行乎謂若膠鬲太師少師之器也紂力萬人擊武王兩翼前徒倒戈何以將帥之乎蒙上遂言新之亡自棄仁人而往康來也昭后成游南土爰底厥利維何逢彼白雉

昭王南巡祭公諒不聽遂祓游至南土不復也王云祓崇氏厭臼推昭王歛衽往逢迎之穆王巧悔夫何爲周流環理天下又何索求王云掩也拘妖夫曳衡何號于市周幽誰誅焉得夫廢姒洪云喪行且責也妖夫廢孤箕服者也天命反側何罰何佑齊桓九會卒然身殺逐言昭王不用祭公之言而亡身穆王幸闕謀父石也齊桓之殺由亡管仲也彼王紂之躬王云雷開何順而賜封惡輔弼譖謗是服比干何逆而抑沈之雷開何順而賜封之王云雷開侯人也何聖人之一德卒其異方梅伯受醢總上切指言之箕子佯狂言生死雖異其德一也王云梅伯糾諸侯也引淮南子曰蕩梅伯之骸蒙上送言斯以自處以上爲一節言用賢奸治亂之效明白如此而主曾不寤則忠臣決死而已離騷云旣莫足與爲美政公吾將從彭城之稷維元子帝何竺之投之于冰上鳥何燠之王云帝謂天竺何馮弓挾矢殊能將之旣驚帝切激何逢長之挾也厚也言武王挾弓矢以伐紂能大后援之業震伯昌號衰秉韁驚於紂切激而數其罪故後世達長也作牧何令徹彼岐社命有殷國義以喻政言文王以德號召於衰世止秉政作牧吁

何遂以岐有殷遷藏就岐何能依殷有惑姑可所議言太
祖尚遷其寶藏就岐避之何殷有如受茲賜醞西伯上告
已武王遂責之而與兵平咎責也受茲賜醞西伯上告
臣禮何武王親致天罰則師望在肆昌何誠鼓刀揚聲后何喜王云言
刀在列肆文王視往問之呂望對曰下武發殺殷何所恨
猶冀君之一撃也故復以武王伐紂之事襄醒襄考楚
世家頃襄三年懷王卒於秦秦楚絕六年則秦平七年迎
婦於秦襄爲子會自襄襄立十八年國未嘗出兵故屬子
楚之九郡云陳長鄉少淮水艾縣蜀丘今爲民正丘頃襄
君也招陳云朱明承夜分時不可淹泉滿波徑兮欺路漸
大持云持矢拔弓皆辭讓只小皆此意此言武王伐紂似
非所急然后授大王文王之業足以武承之則大仇未
復可苟安乎君倘一悟則必用己折檻鼓刀猶有冀也伯
林猶經維其何故何感天抑墜夫誰畏懼王云伯長也林
中生也言中生之死感天抑地夫豈畏懼乎憂國危亡也
爾承上言君若不悟忠臣既死國欲存得平此已所以死
再戒頃襄也臣死君子死父一也故以伯林自比以上

爲一節所謂一篇

篇四

卷之二

代之，則揚其聲，後茲以明之。」

卷之六

平韓巡詩

於廟也

王云動

卷之七

爲王少

詩成記

天命不可

卷之九

卷之二

卷之二

之元孫

文獻

王云敬書

中央文庫

卷之三

卷之三

有聲書之

卷之三

唐有女子

其家謹

有聲大弟

何微

弟欲謂
雨金易

卷之二

去君餽之

惡而反

君不忘天

傷寒

龍吟子集

耳向聲哉耳厥嚴不奉帝何求帝天帝斥君也廢周廢

穴處爰何云忍隱去荆蠻作師夫何長翻功也師象也言

誠之易已長矣子孫是可止之刻郢云悟過改更找又

合不次更之爲即今觀音門之可盡吳光斯勞幾何環穿自

何言攬光爭國久余是燎至滅國故以況秦

聞社邦陵爰出子文此必子文被放吾告堵敖以不長不

斤君豈殺堵敖也堵敖成王兄言何試上自予忠名彌

外有強敵內有忠臣君欲長得乎

章試用已兩國之亡而自予以名深

楚之獨以上爲一節正告以終之

屈原九章江南作

情誼以致愍兮發憤以抒情所作忠而言之兮指蒼天以
爲正令五帝以赫中兮戒六神與嚮服俾山川以倫術兮
命舊繇使聽直竭忠誠以事君兮反離憂而瞽矇忘懷媚
以背衆兮待明君其知之言與行其可迹兮情與貌其不
變故相臣莫若君兮所以證之不遠吾誼先君而後身兮

羌衆人之所仇專惟君而無他兮又衆兆之所讐壹心而不豫兮羌不可保也疾親君而無他兮有招禍之道也思君其莫我忠兮忽忘身之賤貧事君而不貳兮迷不知寵之門忠何罪以遇罰兮亦非余心之所志行不羣以蟲越兮又衆兆之所咍紛逢尤以離謗兮審不可釋情沈淵而不達兮又蔽而莫之白心鬱邑余侘傺兮又莫察余之中情固煩言不可結詒兮願陳志而無路心鬱邑同有恨謂日路爲韻情下則謂聞默而莫余知兮進號呼又莫吾聞申侘傺之極惑兮中閭晉之忳忳昔余夢登天兮魂中道而無杭吾使厲神占之兮曰有志極而無旁終危獨以離異兮曰君可憐而不可恃故衆曰其鑠金兮初若是而逢殆慙於羹者而吹鑿兮何不變此志也欲程階而登天兮猶有曩之態也衆駭遽以離心兮又何以爲此伴也同極而異路兮又可

以爲此援也。晉申生之孝子兮，父信讒而不好行婞直而
不豫兮。鮀功用而不就吾聞作忠以造怨兮。忽謂之過言。
九折臂而成醫兮。吾至今而知其信然。增弋機而在上兮。
羣羅張而在下。設張辟以娛君兮。願側身而無所欲。僵佪
以干傺兮。恐重患而離尤。欲高飛而遠集兮。君罔謂汝何。
之欲構奔而失路兮。堅志而不忍背膺。辟以交痛兮。心鬱
結而紓。齡擣木蘭以矯蕙兮。檠申椒以爲糧。播江離與茲
菊兮。願春日以爲糗。芳恐情質之不信兮。故重著以自明。
矯茲媚以私處兮。願曾思而遠身。

惜誦

余幼好此奇吸兮。年旣老而不衰。帶長鍊之陸離兮。冠切
雲之崔嵬。被明月兮。珮寶璐。世溷濁而莫余知兮。吾方高
馳而不顧。駕青虬兮。驂白螭。吾與重華游兮。瑞之圃。登崑崙

嗌兮食玉英與天地兮同壽與日月兮同光哀南夷之莫
吾知兮且余濟乎江湘乘鄂渚而反顧兮歎秋冬之緒風
步余馬兮山泉邸余車兮方林乘舲船余上沅兮濟吳榜
以擊汰船容與而不進兮淹回水而疑滯朝發枉渚兮夕
宿辰陽苟余心其端直兮雖僻遠之何傷入微浦余遭佪
兮迷不知吾所如深林杳以冥冥兮猿狹之所居山峻高
以蔽日兮下幽晦以多雨霰雪紛其無垠兮雲霏霏而承
雨哀吾生之無樂兮幽獨處乎山中吾不能變心而從俗
兮固將愁苦而終窮接翼髡首兮桑扈羸行忠不必用兮
賢不必以伍子逢殃兮比干菹醢與前世而皆然兮吾又
何怨乎今之人余將董道而不豫兮固將重昏而終身亂
日燭鳥鳳皇日以遠兮燕雀烏鵲巢堂壇兮露申辛夷死
林薄兮腥臊並御芳不得薄兮陰陽易位時不當兮懷信

侘傺忽乎吾將行兮

涉汀

皇天之不純命兮何百姓之震愆民離散而相失兮方仲
春而東遷去故鄉而絕遠兮遭汀夏以流亡出國門而輶
懷兮甲之鼃吾以行發郢都而去闇兮荒忽其焉極楫齊
揚以容與兮哀見君而不再得望長楸而太息兮涕淫淫
其若霰過夏首而西浮兮顧龍門而不見心嫋嫋而傷懷
兮眇不知其所蹠順風波以從流兮焉洋洋而爲客凌陽侯
之汎濫兮忽翹翔之焉薄心結而不解兮思蹇產而不
釋追迹始放將運舟而下浮兮上洞庭而下江運舟下浮卽涉江也去終
古之所居兮今逍遙而來東羌靈魂之欲歸兮何須臾而
忘反背夏浦而西思兮哀故都之日遠登大墳以遠望兮
聊以紓吾憂心哀州士之平樂兮悲江介之遺風當陵陽

之焉。至兮。茲南渡之焉。如曾不知。夏之爲邱。兮。孰兩東門之可蕪。心不怡之長久兮。憂與愁其相接。惟郢路之遼遠兮。江與夏之不可涉。忽若不信兮。至今九年而不復。慘穆鬱而不通兮。蹇侘傺而含感。外承歡之約約兮。諶荏弱而難持。忠湛湛而願進兮。妬被離而鄣之。堯舜之抗行兮。睞杳杳而薄天。衆讒人之嫉妒兮。被以不慈之僞名。憎慍淪之脩美兮。好夫人之忼慨。衆蹠蹠而日進兮。美超遠而逾羈亂。日曼余目以流觀兮。冀壹反之何時。鳥飛返故鄉兮。狐死必首。邱信非吾罪而棄逐兮。何日夜而忘之。

哀郢

心鬱鬱之憂思兮。獨永嘆乎增傷思。蹇產之不釋兮。曼遭夜之方長。悲秋風之動容兮。何回極之浮浮。數惟蓀之多怒兮。傷余心之懨懨。願搖起而橫奔兮。覽民尤以自鎮結。

微情以陳詞兮矯以遺夫美人昔君與我誠言兮日黃昏
以爲期羌中道而回眸兮反旣有此他志矯吾以其美好
兮覽余以其脩姱與余言而不信兮蓋爲余而造怒願乘
間而自察兮心震悼而不敢悲夷猶而冀進兮心怛傷之
憺憺茲歷情以陳辭兮蓀詳讐而不聞固切人之不媚兮
衆果以我爲惠初吾所陳之耿著兮豈至今其庸亡何毒
藥之謇謇兮願蓀美之可完望三五以爲像兮指彭咸以
爲儀夫何極而不至兮故遠聞而難虧善不由外來兮名
不可以虛作孰無私而有報兮孰不實而有穢少歌曰與
美人抽怨兮并日夜而無正矯吾以其美好兮款朕辭而
不聽倡曰有鳥自南兮來集漢北好姱佳麗兮脾獨處此
異域旣惄獨而不羣兮又無良媒在其側道卓遠而日忘
兮願自由而不得望北山而流涕兮臨流水而太息望孟

夏之短夜兮何晦明之若歲惟郢路之遼遠兮魂一夕而九逝曾不知路之曲直兮南指月與列星願徑逝而未得兮魂識路之營營何靈魂之信直兮人之心不與吾心同理弱而媒不通兮尚不知余之從容亂日長瀨湍流泝江潭兮狂顧南行聊以娛心兮軫石威鬼蹇吾願兮超回志度行隱進兮低徊夷猶北姑兮煩冤瞀容實沛徂兮愁歎苦神靈遙思兮路遠處幽又無行媒兮道思作頌聊以自救兮憂心不遂斯言誰告兮

抽思

滔滔孟夏兮草木莽莽傷懷永哀兮泪徂南土眴兮杳杳孔靜幽默鬱結紆軫兮離慾而長鞠撫情効志兮冤屈而自抑利方以爲圜兮常度未替易初本迪兮君子所鄙章盡志墨兮前圖未改內厚質直兮大人所盛巧倕不斲兮

孰察其撥正元文處幽兮。暎昧謂之不章。雖婁微睇兮。瞽以爲無明。變白以爲黑兮。倒上以爲下。鳳皇在笯兮。雞鳶翔舞同糅。玉石兮一槩而相量。夫惟黨人鄙固兮。羌不知余之所臧。任重載盛兮。陷滿而不濟。懷瑾握瑜兮。窮不知所示。邑犬之羣吠兮。吠所怪也。非俊疑傑兮。固庸態也。文質疏內兮。衆不知余之異采。材樸委積兮。莫知余之所有。重仁襲義兮。謹厚以爲豐。重華不可遺兮。孰知余之從容。古固有不竝兮。豈知其何故。湯禹久遠兮。邈而不可慕。懲連改忿兮。抑心而自強。離愁而不遷兮。願志之有像。進路北次兮。日昧昧其將暮。舒憂娛哀兮。限之以大故。亂曰浩浩。沅湘分流汨兮。修路幽蔽道遠忽兮。懷質抱情獨無匹。兮伯樂既沒驥焉程兮。萬民之生各有所錯兮。定心廣志。余何畏懼兮。曾傷爰哀。永嘆喟兮。世溷濁莫吾知。人忘不

可謂兮知死不可讓願勿愛兮明告君子吾將以爲類兮懷沙

思美人兮肇涕而竚。睠絕路阻兮言不可結而詒蹇蹇之煩冤兮陷淵而不發。申旦以舒中情兮志沈菀而莫達。願寄言於浮雲兮遇豐隆而不將。因歸鳥而致辭兮羌徊高而難當。高辛之靈盛兮遭元鳥而致詒。欲變節而從俗兮媿易初而屈志。獨歷年而離愍兮羌憑心猶未化。甯隱閉而壽考兮何變易之可爲。知前轍之不遂兮未改此度。車旣覆而馬顛兮蹇獨懷此異路。勒駢駢而更駕兮造父爲我操之遷遼次而勿驅兮聊假日以須時。指嶓冢之西隈兮與纏黃以爲期。開春發歲兮白日出之悠悠。吾將蕩志而愉樂兮遵江夏以娛憂。肇大薄之芳茝兮舉長洲之宿莽。惜吾不及古人兮吾誰與玩此芳草。解萹薄與雜菜。

兮備以爲交佩佩纁紛以繚轉兮遂萎絕而離異吾且儻
個以嫉憂兮觀南人之變能竊快在中心兮揚厥憑而不
竦芳與澤其雜糅兮羌芳華自中出紛郁郁其遠承兮滿
內而外揚情與質信可保兮羌居蔽而聞章兮揚厥憑而不
理兮憚舉趾而緣木因芙蓉而爲媒兮憚褰裳而濡足登
高吾不說兮入下吾不能固昧形之不服兮然容與而狐
疑廣遂前畫兮未改此度也命則處幽吾將罷兮願及白
日之未暮獨勞煢而南行兮思彭咸之故也

思美人

惜往日之曾信兮受命詔以昭詩奉先功以照下兮明法
度之嫌疑國富強而法立兮屬貞臣而日娛祕密事之載
心兮雖過失猶弗治心純厖而不泄兮遭讒人而嫉之君
含怒而待臣兮不清澈其然否敝晦君之聰明兮虛惑誣

又以歎弗參驗以考實兮遠遷臣而弗思信讒諛而溷濁
兮盛氣志而過之何貞臣之無辜兮被離謗而見尤斬光
景之誠信兮身幽隱而備之臨沅湘之元淵兮遂自忍而
沈流卒沒身而絕名兮惜壅君之不昭君無度而弗察兮
使芳草爲藪幽焉舒情而抽信兮恬死亡而不聊獨郁壅
而蔽隱兮使貞臣爲無由聞百里之爲虜兮伊尹烹於庖
厨呂望屠於朝歌兮甯戚歌而飯牛不逢湯武與桓繆兮
世孰云而知之吳信讒而弗味兮子胥死而後憂介子忠
而立枯兮文君寤而追求封介山而爲之禁兮報大德之
優游恩久故之親身兮因縞素而哭之或忠信而死節兮
或詭譖而不疑弗省察而按實兮聽讒人之虛辭芳與澤
其雜糅兮孰申旦而別之何芳草之早妖兮微霜降而下
戒諒聰不明而蔽壅兮使讒諛而日得自前世之嫉賢兮

謂蕙若其不可佩。妬佳冶之芬芳兮。慕母嬾而自好。雖有西施之美容兮。讒妬入以自代。願陳情以自行兮。得罪過之不意。情冤見之日明兮。如列宿之錯置。乘驥驥而馳騁兮。無轡銜而自載。乘氾汎以下流兮。無舟楫而自備。背法度而心治兮。辟與此其無異。甯溘死以流亡兮。恐禍殃之有。再不畢辭而赴淵兮。惜壅君之不識。

惜往日

后皇嘉樹橘棣服兮。受命不遷生南國兮。深固難徙更壹志兮。綠葉素榮紛兮。可喜兮。曾枝剡棘圓果搏兮。青黃雜糅文章爛兮。精色內白類可任兮。紛縕宜修姱而不醜兮。嗟爾幼志有以異兮。獨立不遷豈不可喜兮。深固難徙廓其無求兮。蘇世獨立橫而不流兮。閉心自慎不終失過兮。秉德無私參天地兮。願歲并謝與長久兮。淑離不淫梗其

有理兮年歲雖少可師長兮行比伯夷置以爲像兮

橘頌

悲回風之搖蕙兮心冤結而內傷物有微而隕性兮聲有
隱而先倡夫何彭咸之造思兮賢志介而不忘萬變其情
豈可蓋兮孰虛僞之可長鳥獸鳴以號羣兮草苴比而不
芳魚葺鱗以自別兮蛟龍隱其文章故荼蕡不同畝兮蘭
芷幽而獨芳惟佳人之永都兮更統世而自貺渺遠志之
所及兮撛浮雲之相羊介眇志之所惑兮竊賦詩之所明
惟佳人之獨懷兮折若椒以自處曾歎歎之嗟嗟兮獨隱
伏而思慮涕泣交而淒淒兮思不眠以至曙終長夜之漫
漫兮掩此哀而不去寤從容以周流兮聊逍遙以自恃傷
太息之愍憐兮氣於邑而不可止糺思心以爲纏兮編愁
苦以爲膺折若木以蔽光兮隨飄風之所仍存髡鬚而不

見兮心踊躍其若湯撫珮衽以案志兮超惆悵而遂行歲
留留其若頽兮。昔亦冉冉而將至蘋蘅槁而節離兮芳以
歇而不比憐思心之不可懲兮證此言之不可聊甯逝死
而流亡兮不忍爲此之常愁孤子唶而拔淚兮放子出而
不還孰能思而不隱兮照彭咸之所聞登石巒以遠望兮
路眇眇之默默人影響之無應兮聞省想而不可得愁鬱
鬱之無懷兮居戚戚而不可解心鞅鞅而不形兮氣繚轉
而自綺穆眇眇之無垠兮莽茫茫之無儀聲有隱而先感
兮物有純而不可爲藐蔓蔓之不可量兮縹縈縷之不可
紓愁悄悄之常悲兮嗣冥冥之不可娛淩大波而流風兮
託彭咸之所居上高巖之峭岸兮處雌蜯之標顛據青冥
而據虹兮逐儻忽而捫天吸湛露之浮源兮漱凝霜之霧
霧依風穴以自息兮忽傾寤以嬋媛崑崙以瞰霧兮隱

岐山以清江憚涌湍之磕磕兮聽波聲之洶洶
無經兮罔茫茫之無紀軋洋洋之無從兮馳委移之焉止
漂翻翻其上下兮翼遙遙其左右氾潏惄其前後兮伴張弛
之信期覩炎氣之相仍兮窺煙波之所積悲霜雪之俱下兮
聽潮水之相擊借光景以往來兮施黃棘之狂策求介子之所存兮見伯夷之放迹心調度而弗去兮刻著志
之無適曰吾怨往昔之所冀兮悼來者之愁愁浮江淮而入海兮從子胥而自適望大河之洲渚兮悲申徒之抗迹
驟諫君而不聽兮重任石之何益心結不解兮思蹇產而不釋

悲回風

扇原遠遊

悲時俗之迫阨兮願輕舉而遠遊質菲薄而無因兮焉託

乘而上浮遭沈濁而汚穢兮獨鬱結其誰語夜耿耿而不寐兮魂勞勞而至曙惟天地之無窮兮哀人生之長勤往者余弗及兮來者吾不聞步徙倚而遙思兮怊惝恍而乖懷意荒忽而流蕩兮心愁悽而增悲神儻忽而不反兮形枯槁而獨留內惟省以端操兮求正氣之所出漠虛靜以恬愉兮澹無爲而自得聞赤松之清塵兮願承風乎遺則貴真人之休德兮美往世之登儂與化去而不見兮名聲著而日延奇傳說之託辰星兮羨韓衆之得一形穆穆以浸遠兮離人羣而遁逸因氣變而遂曾舉兮忽神奔而鬼怪時髣髴以遙見兮精皎皎以往來絕氣埃而淑尤兮終不反其故都免衆患而不懼兮世莫知其所如恐天時之代序兮耀靈晦而西征微霜降而下淪兮悼芳草之先零聊彷佯而逍遙兮永歷年而無成誰可與玩斯遺芳兮晨

賦一

向風而舒情高陽邈以遠兮余將焉所程重日春秋忽其
不淹兮奚久留此故居軒轅不可攀援兮吾將從王喬而
嬉戲浪六氣而飲沆瀣兮漱正陽而含朝霞保神明之清
澄兮精氣入而靈穢除順凱風以從遊兮至南巢而壹息
見王子而宿之兮審壹氣之和德曰道可受兮不可傳其
小無內兮其大無垠無滑而魂兮彼將自然壹氣孔神兮
于中夜存虛以待之兮無爲之先庶類以成兮此德之門
聞至貴而遂徂兮忽乎吾將行仍羽人於丹邱兮留不死
之舊鄉朝濯髮於湯谷兮夕晞余身兮九陽吸飛泉之微
液兮懷琬琰之華英玉色炳以晚顏兮精醇粹而始壯質
銷鑠以汋約兮神要眇以淫放嘉南州之炎德兮麗桂樹
之冬榮山蕭條而無獸兮野寂漠其無人載營魄而登霞
兮掩浮雲而上征命天闔其開闔兮排闔闔而望子召豐

隆使先導兮問大微之所居集重陽入帝宮兮造旬始而
觀清都朝發軔於太儀兮夕始臨乎於微闇市余車之萬
乘兮紛溶與而並馳駕八龍之婉婉兮載雲旗之逶迤建
雄虹之采旄兮五色雜而炫耀服偃蹇以低昂兮驂連蟠
以驕驁騎膠葛以雜亂兮斑漫衍而方行操余轡而正策
兮吾將過乎句芒歷太皓以右轉兮前飛廉以啓路陽杲
杲其未光兮凌天地以徑度風伯爲余先驅兮氣埃辟而
清涼鳳皇翼其承旛兮遇蓐收乎西皇擎彗星以爲旛兮
舉斗柄以爲麾叛陸離其上下兮游驚霧之流波時矇矇
其滯莽兮召元武而奔屬後文昌使掌行兮選署衆神以
並轂路曼曼其修遠兮徐弭節而高厲左雨師使徑侍兮
右雷公以爲衛欲度世以忘歸兮意恣睢以坦擣內欣欣
而自美兮聊媯娛以自樂涉青雲以汎濫游兮忽臨睨夫

舊鄉僕夫懷余心悲兮邊馬顧而不行思舊故以想像兮
長太息而掩涕泣容與而遐舉兮聊抑志而自弭指炎神
而直馳兮吾將往乎南疑覽方外之荒忽兮沛罔象而自
浮祝融戒而還衡兮騰告鸞鳥迎宓妃張咸池奏承雲兮
二女御九韶歌使湘靈鼓瑟兮令海若舞馮夷元螭蟲象
並出進兮形蟠虬而透蛇雌媯便娟以增撓兮鸞鳥軒翥
而翔飛音樂博衍無終極兮焉乃逝以徘徊舒并節以馳
騁兮連絕垠乎寒門軼迅風於清源兮從顙頷乎增冰歷
元冥以邪徑兮乘間維以反顧召黔羸而見之兮爲余先
乎平路經崑崙四荒兮周流六漠上至列致兮降望大壑下
嶺嶸而無地兮上寥廓而無天視儻忽而無見兮聽惝恍
而無聞超無爲以至清兮鬼之泰初而爲鄰

屈原卜居

屈原既放三年不得復見竭知盡忠而此選無
顧慮亂不知所從往遷上有見太卜鄭詹尹曰余有所疑
願因先生決之詹尹乃端策拂塵曰君將何以教之屈原
曰吾甯憯憯款款朴以忠乎將送往勞來斯無窮乎甯誅
鋤草茅以力耕乎將游大人以成名乎甯正言不諱以危
身乎將從俗富貴以媿生乎甯超然高舉以保真乎將噭
訾栗斯嗟呼儒兒以事婦人乎甯廉潔正直以自滿乎將
突梯滑稽如脂如韋以潔撻乎甯昂昂若千里之駒乎將
汎汎若水中之鳧乎與波上下偷以全吾軀乎甯與驥驥
亢輒乎將隨駕馬之迹乎甯與黃鸝比翼乎將與雞鷺爭
食乎此孰吉孰凶何去何從世溷濁而不清蟬翼爲重千
鈞爲輕黃鉸毀棄瓦釜雷鳴謠人高張賢士無名吁嗟默
默兮誰知吾之廉貞詹尹乃釋策而謝曰夫尺有所短寸

有所長物有所不足智有所不明數有所不逮神有所不運用君之心行君之意龜策誠不能知事遂知下有此字

屈原漁父。

屈原既放游於江潭行吟澤畔顏色憔悴形容枯槁漁父見而問之曰子非三閭大夫與何故至於斯屈原曰舉世選作皆濁我獨清衆人皆醉我獨醒是以見放漁父曰聖人不凝滯於物而能與世推移世人皆濁何不淪其泥而揚其波衆人皆醉何不餔其糟而歠其醴何故深思高舉自合放爲屈原曰吾聞之新沐者必彈冠新浴者必振衣安能以身之察察受物之汶汶者乎留赴湘流葬於江魚此字腹中選無安能以皓皓之白而選無蒙世俗之塵埃乎此字蒙世俗之塵埃乎漁父莞爾而笑鼓枻而去歌曰浪之水清兮可以濯吾足遂去不復與言

宋玉九辭

昭明所選五篇居前○○

其次不可考已

○○

悲哉。秋之爲氣也。肅殺兮草木搖落而變衰。憭栗兮若在
遠行。登山臨水兮送將歸。泬寥兮天高而氣清。寒暑兮收
涼而水清。悟愴悵作悽增。歎兮薄寒之中人慘悅。憮恨兮去
故而就新。坎廩兮貧士失職而志不平。廊落兮羈旅而無
友。生惆悵兮而私自憐。璇翩翩其辭歸兮。蟬東漠而無聲。
雁廬廬而南游兮。鶡雞啁哳而悲鳴。獨申且而不寐兮。哀
蟋蟀之宵征。時亹亹而過中兮。塞淹留而無成。

悲憂窮戚兮。獨處廓有美一人兮。心不繹去鄉離家兮。徒
遠客超逍遙兮。今焉薄專思君兮。不可化君不知兮。可柰
何。蓄怨兮。積恩心。煩憺兮忘食事。願一見兮。道余意。君之
心兮與余異。車旣駕兮。揭而歸不得見。今心復此字悲倚。
結轔兮長。遠無大息涕淚湲兮。下選無霑軾抗慨絕兮。不

得中宵亂兮迷惑私自憐兮何極心忡忡兮諒直

下有百卓

皇天平分四時兮竊獨悲此廩秋白露既下
兮奄離披此梧楸去白日之昭昭兮襲長夜之悠悠離方
謂之方壯兮余委約而悲愁秋既先五之以白露兮冬又
申之以嚴霜收恢台之孟夏兮然歛慘而沈藏葉於邑而
無色兮枝頹挈而交橫顏淫溢而將罷兮柯彷彿而萎黃
前攝移之可哀兮形銷鏘而廢傷惟其紛糅而將落兮恨
其失時而無當擊辟轡而下節兮聊逍遙以相伴歲紀忽
而迺盡兮恐余壽之弗將悼余生之不時兮逢此世之能
堪澹容與而獨倚兮蟋蟀鳴此西堂心怵惕而震盪兮何
所憂之多方仰明月而太息兮步列星而極明

竊悲夫蕙華之曾敷兮紛旖旎乎都房何曾華之無實兮
從風雨而飛颺以爲君獨服此蕙兮羌無以異於衆芳門

奇思之不通兮將去君而高翔心閑憐之慘悽兮願一見
而有明重無怨而生離兮中結軫而增傷豈不鬱陶而思
君兮君之門以九重猛犬狺狺而迎吠兮關梁閉而不通
皇天淫溢而秋霖兮后土何時而得漸塊獨守此無澤兮
仰浮雲而永歎

何時俗之工巧兮背繩墨而改錯郤駢驥而不乘兮策駕
駢而取路當世豈無駢驥兮誠莫之能善御見執轡者非
其人兮故駢選在跳而遠去鳬雁皆唼夫梁藻兮鳳愈飄
翔而高舉園鑿而方枘兮吾固知其鉏鋸而難人衆鳥皆
有所登棲兮鳳獨惶惶而無所集願銜枚而無言兮嘗被
君之渥洽太公九十乃顯榮兮誠未遇其匹合謂駢驥兮
安歸謂鳳皇兮安接變古易俗兮世衰今之相者兮舉肥
駢驥伏匿而不見兮鳳皇高飛而不下鳥獸猶知懷德兮

何云賢士之不處驥。不驟進而求服兮。鳳亦不貪餒而妄食君棄遠而不察兮。雖願忠其焉得欲寂漠而絕端兮。竊不敢忘初之厚德。獨悲愁其傷人兮。馮鬱鬱其安極。霜露慘悽而交下兮。心尚忝其弗濟。霰雪紛糅其增加兮。乃知遭命之將至。願徼幸而有待兮。泊莽莽兮與望草同死。願自往而徑游兮。路壅絕而不通。欲循道而平驅兮。又未知其所從然。中路而迷惑兮。自壓接而學誦性愚陋兮。褊淺兮信未達于從容。

稱美申包胥之氣盛兮。恐時世之不固。何時俗之工巧兮。滅規槩而改鑿。獨耿介而不隨兮。願慕先聖之遺教。處濁世而顯榮兮。非余心之所樂與。其無義而有名兮。甯窮處而守高食不媿而爲飽兮。衣不苟而爲溫。竊慕詩人之遺風兮。願託志乎素餐。蹇充侃而無端兮。泊莽莽而無垠無

衣裘以禦冬兮恐溘死而不得見乎陽春

覩杪秋之遙夜兮心繚悵而有哀春秋逴逴而日高兮然
惆悵而自悲四時遞來而卒歲兮陰陽不可與儻偕白日
晚晚其將入兮明月銷鑠而滅毀歲忽忽而遁盡兮老冉
冉而愈弛心搖悅而日脊兮然怊悵而無冀中潛測之悽
愴兮長太息而增欷年洋洋以日往兮老嶢廓而無處事
亹亹而覲進兮蹇淹留而躊躇

何汜濫之浮雲兮森壅蔽此明月忠昭昭而願見兮然露
曉而莫達願皓日之顯行兮雲濛濛而蔽之竊不自聊而
願忠兮或黜黜而汙之堯舜之抗行兮瞭冥冥而薄天何
險巇之嫉妒兮被以不慈之僞名彼日月之照明兮尚黯
黯而有瑕何況一國之事兮亦多端而膠加
被荷綢之晏晏兮然潢洋而不可帶既驕美而伐武兮負

左右之耿介憎懶之修美兮好夫人之慷慨衆蹀躞而
日進兮美超遠而逾邁農夫輟耕而容與兮恐田野之蕪
穢譽之昧昧兮修飾而窺鏡兮後尚可以竄藏願寄言夫
流星兮羌儻忽而難當卒壅蔽此浮雲兮下暗漠而無光
堯舜皆有所舉在兮故高枕而自適諒無怨於天下兮心
焉取此憇惕桀驥驥之剷剷兮馭安用夫強策諒城郭之
不足恃兮雖重介之何益遭翼翼而無終兮悒悒而愁
約生天地之若過兮功不成而無效願沈滯而不見兮尚
欲布名乎天下然潢洋而不遇兮直惝恍而自苦莽洋洋
而無極兮忽翱翔之焉薄固有驥而不知桀兮焉皇皇而
更索甯戚謳於車下兮桓公聞而知之無伯樂之善相兮
今誰使乎譽之罔流涕以聊慮兮惟著意而得之紛純純

之願忠兮妬被離而鄣之
願賜不肖之軀而別離兮放游志乎雲中乘精氣之搏搏
兮驚諸神之湛湛駛白霓之習習兮歷羣靈之豐豐左朱
雀之芨芨兮右蒼龍之躍躍屬雷師之闐闐兮通飛廉之
衙衙前軒轅之鏘鏘兮後輜輶之從從載雲旗之委蛇兮
扈屯騎之容容計專專之不可化兮願遂推而爲臧賴皇
天之厚德兮還及君之無恙

宋玉招魂招魂大招謂頃襄也頃襄君臣宴安湛于淫樂而故屈子故招屈子以諷之也巫陽之言女嬃

漁父之意亂以懷王講武不可再見固○○○

朕幼清以廉潔兮身服義而未沫主此盛德兮牽於俗而
蕪穢上無所考此盛德兮長離殃而愁苦帝告巫陽曰有
人在下我欲輔之魂魄離散汝筮予之巫陽對曰掌夢上帝其選下有難從若必筮予之恐後之謝選作不能復用

巫陽焉筮予魂魄借言保其德也不能自貶以適世終于愁苦而已故曰後之計不能復用乃下招曰魂兮歸來選作來歸去君之極幹何爲四方些舍君之樂處

而離彼

披

不祥些魂兮歸來東方不可呂託些長人千

仞惟魂是索些十日代出流金鑠石些彼皆習之魂往必

釋些歸來兮

歸來兮選作歸來

不可呂託些魂兮歸來南方不可

可呂止些雕題黑齒得人肉以

選作而祀以其骨爲醢

些蠻蛇蓁蓁封狐千里些雄虺九首往來儻忽吞人以益其心

些歸來兮不可呂

選無此字

久淫些魂兮歸來西方之害流沙

千里些旋入雷淵靡散而不可止些奔而得脫其外曠宇

些赤蠭若象元蟲若壺些五穀不生聚晉是食些其土爛

人求水無所得些彷徉無所倚廣大無所極些歸來兮恐

自遺賊些魂兮歸來北方不可呂止些增冰峨峨飛雪千

里些歸來兮不可呂久些魂兮歸來君無上天些虎豹九

關啄害下人些一夫九首拔木九千些豺狼銳目往來
侁侁些魑人呂族投之深淵些致命於帝然後得瞑些歸來
歸來選作歸來下節同

往恐危身些魂兮歸來君無下此幽都些
土伯允約其角鑿鑿些乾腴血毋逐人驅驅些參目虎首
其身若牛些此皆甘人歸來恐自遺災些魂兮歸來人修
門些工祝招君首行先些秦舞齊縷鄭縣絡些招具該備
永嘯呼些魂兮歸來反故居些天地四方多賊姦些像設
君室靜閒安些高堂邃宇櫺層軒些層臺累榭臨高山些
綱戶朱綴刻方連些冬有矣夏室寒些川谷徑復流潺
湲些光風轉蕙抱崇蘭些經堂入奧朱塵筵些砥室翠翹
挂曲瓊些翡翠珠被耀齊光些翦阿拂壁羅疋張些纂組
綺綿結瑣瑣些室中之觀多珍怪些蘭膏明燭華容備些
二八侍宿射遞代些九侯淑女多迅衆些盛器不同制實

滿宮些容態好比順彌代些弱顏固掩塞選作其有意些
姱容修態絕洞房些峨眉漫睂目瞻光些靡顏賦理遺視
瞇些離榭修幕侍君之間些霏帷翠帳飾高堂些紅壁沙
版元玉選下有之字梁些仰觀刻桷畫龍蛇些坐堂伏檻臨曲
池些芙蓉始發雜芰荷些紫莖屏風文綠波些文異豹飾
侍陂池些軒轅既低步騎羅些蘭薄戶樹瓊木離些魂兮
歸來何遠爲些室家遂宗食多方些稻粢穉麥黃染些
大苦陳酸辛甘行些肥牛之腱膾若芳些和酸若苦陳吳
羹些臘籠炮羔有柘漿些鵝酸膳冕前鴻鵠些露雞臘蟠
膚而不爽些粧妝蜜餌有餽餽些瑤漿蜜匀寶羽觴些挫
糟凍飲酌清涼些華酌既陳有瓊漿些歸來歸來選作反
故室敬而無妨些羞羞未通女樂羅些璈鐘按鼓造新歌
些涉江采菱發揚荷些美人既醉朱顏酡些娛光眇視目

曾破些被衣服纖麗而不奇些長髮烏鬚前鑒陸離些二八
齊容起靜舞些衽若交竽撫案下些竽瑟狂會填鳴鼓些
宮庭震驚發激楚些吳歛蔡謳奏大呂些士女雜坐亂而
不分些放陳組繆班其相紛些鄭衛妖玩來雜陳些激楚
之結獨秀先些葛蔽象碁有六箇些分曹並進迺相迫些
成梟而牟呼五白些晉制犀比費白日些鏗鐘搖虡楔梓
瑟些娛酒不廢沈日夜些蘭膏明燭華燈錯些結悵至思
蘭芳假些人有所極同心賦些酌飲選下有盡歡樂先教
些魂兮歸來反故居些亂曰獻歲既下有春兮汨吾南征選下
字榮蘋齊葉兮白芷生選下有路貫廬江兮左長薄倚沼
畔纘兮遙望博青驪結駟兮齊干乘懸火延起兮元顏烝
步及驛處兮誘騁先抑驚若通兮引車右還與王趨夢兮
課後先君王親發兮憚青兕朱明承夜兮時不可以選無

淹。泉。蘭。祓。徑。兮。斯。路。漸。湛。江。水。兮。上。有。楓。目。極。千。里。兮。
傷。春。心。魂。兮。歸。來。哀。江。南。

景差大招大招設頌之辭也。若日能用屈子則樂與今同而王集成耳。青春受謝白日昭君明政新也。

青春受謝白日昭只春氣奮發萬物逐只冥凌俠行魂無逃只魂魄歸徯無遠遙只魂乎歸徯無東無西無南無北只東有大海滔水浟浟只螭龍並流上下悠悠且霧雨淫淫白皓膠只魂乎無東湯谷宗只魂乎無南南有炎火千里蝮蛇蜒只山林險隘虎豹蜿只鰐鱠短狐王虺騫只魂乎無南蜮傷躬只魂乎無西方流沙莽洋洋只豕首縱目被髮鬟只長爪踞牙譟笑狂只魂乎無西多害傷只魂乎無北北有寒山遑龍施只伐木不可涉深不可測只天白顎顎寒凝凝只魂乎無往盈北極只魂魄歸徯間以靜只自恣荆楚安以定只逞志究欲心意安只窮身安樂年

壽延只魂乎歸徠樂不可言只五穀六仞設菰梁只鼎臚
盈望和致芳只內鵠鵠鵠味豺羹只魂乎歸徠恣所嘗只
鮮蠣甘雞和楚醑只醢豚苦狗膾苴草只吳酸蕷蓼不沾
薄只魂兮歸徠恣所擇只炙鴟蒸鳧黏鶴隙只煎鱠雁雀
遽爽存只魂乎歸徠麗以先只四酎并孰不翌噬只清馨
凍飲不歎役只吳醴白蘖和楚瀝只魂乎歸徠不遑揚只
代秦鄭衛鳴竽張只伏戲駕辯楚勞商只謳和揚阿趙蕭
倡只魂乎歸徠定空桑只二八接舞投詩賦只叩鐘調磬
娛人亂只四上競氣極聲變只魂乎歸徠聽歌誤只朱脣
皓齒以姱只比德好間習以都只豐肉微骨調以娛只
魂乎歸徠安以舒只嬌目宜笑蛾眉曼只容則秀雅稚朱
顏只魂乎歸徠靜以安只嬌脩湧浩麗以佳只曾頰倚耳
曲眉貌只湯心綽態姣麗施只小腰秀頸若鮮卑只魂乎

歸徳思怨移只易中利心以動作只粉白黛黑施芳澤只
長袂拂面善留客只魂乎歸徳召娛昔只青色直眉美目
嫋只膚輔奇牙宜笑嗎只豐肉微骨體便娟只魂乎歸徳
恣所便只夏屋廣大沙堂秀只南房小壇觀絕麗只曲屋
步闌宜擾畜只騰駕步游獵春園只瓊轂錯衡英華假只
蘚蘭桂樹鬱彌路只魂乎歸徳恣志慮只孔雀盈園畜鸞
皇只鵠鴻羣晨雜鶯鶴只鴻鵠代遊戛鶴鵠只魂乎歸徳
鳳凰翔只曼渾怡面血氣盛只永宜厥身保壽命只室家
盈庭爵祿盛只魂乎歸徳居室定只接徑千里出若雲只
三圭重侯聽類神只察篤天隱孤寡存只魂兮歸徳正始
昆只田邑千畛人阜昌只美冒衆流德澤章只先成後文
善美明只魂乎歸徳賞罰當只名聲若日照四海只德譽
配天萬民理只北至幽陵南交阤只西薄羊腸東窮海只

魂乎歸徯尙賢士只發政獻行禁苛暴只舉傑壓陞誅讒
罷只直羸在位近禹麾只豪傑執政流澤施只魂乎歸徯
國家爲只雄雄赫赫天德明只三公穆穆升降堂只諸侯
畢極立九旣只昭質旣設大旛張只執弓挾矢揖辭讓只
魂乎歸徯尙三王只

賈誼惜誓

惜余年老而日衰兮歲忽忽而不反登蒼天而高舉兮歷
衆山而日遠觀江河之紓曲兮離四海之霧濡攀比極而
一息兮吸沉澀以充虛飛朱鳥使先驅兮駕太一之象輿
蒼龍蚴虬於左驂兮白虎騁而爲右驅建日月以爲蓋兮
載玉女於後車馳騫於杳冥之中兮休息虜崑崙之墟樂
窮極而不厭兮願從容虜神明涉丹水而駝騁兮右大夏
之遺風鴻鵠之一舉兮知山川之紓曲再舉兮睹天地之

圜方臨中國之衆人兮託回驪乎尙羊乃至少原之墾兮
赤松王喬皆在旁二子擁瑟而翹翔念我長生而久僊兮不如反
余之故鄉黃鵠後時而寄處兮鵠梟羣而制之神龍失水
而陸居兮爲螻蟻之所裁夫黃鵠神龍猶如此兮況賢者
之逢亂世哉壽冉冉而日衰兮固儻回而不息俗流從而
不止兮衆枉聚而矯直或偷合而苟進兮或隱居而深藏
若稱量之不審兮同權槩而就衡或推遙而苟容兮或直
言之謬謬傷誠是之不察兮并紉茅絲以爲索方世俗之
幽昏兮眩白黑之美惡放山淵之龜王兮相與貴夫礎石
梅伯數諫而至醢兮來革順志而用國悲仁人之盡節兮
反爲小人之所賊比干忠諫而剖心兮箕子被髮而佯狂
水背流而源竭兮木去根而不長非重軀以慮難兮惜傷

身之無功已矣哉獨不見夫鸞鳳之高翔兮乃集太皇之
壇循四極而回周兮見盛德而後下彼聖人之神德兮遠
濁世而自藏使麒麟可得羈而係兮又何以異虞大羊

淮南小山招隱士

桂樹叢生兮山之幽。偃蹇連蜷兮枝相繚。山氣龍從兮石
嵯峨谿谷斬巖兮水曾波。緩猿羣嘯兮虎豹嗥攀援桂枝
兮聊淹留。王孫遊兮不歸春草生兮萋萋歲暮兮不自聊
轉。鷗鳴兮啾啾块兮朝山曲。嶼心淹留兮惆悵忽罔兮沕
僚兮栗虎豹穴叢薄深林兮人上慄欒岑琦礪兮硠增磥
選作磧。樹輪相糾兮林木茂。骫青莎雜樹兮蘋草蘿靡白
魂。研瓔碗樹輪相糾兮林木茂。骫青莎雜樹兮蘋草蘿靡白
鹿屬驂兮或騰或倚狀兒雌或兮戚戚淒淒兮澣澣。或候
兮能罷慕類兮以悲攀援桂枝兮聊淹留虎豹鬪兮能罷
咆禽獸駭兮亡其曹王孫兮歸來山中兮不可以久留

東方朔七諫

平生於國兮長於原墜言語訥謠兮又無彊輔淺智褊能
兮聞見又寡數言便事兮見怨門下王不察其長利兮卒
見棄乎原墜伏念思過兮無可改者羣衆成朋兮上浸以
惑巧佞在前兮賢者滅息堯舜聖已沒兮孰爲忠直高山
崔巍兮水流湯湯死日將至兮與麋鹿同坑塊兮鞠當道
宿舉世皆然兮余將誰告斥逐鴻鵠兮近昌鵠梟斬伐橘
抽兮列樹苦桃便娟之脩竹兮寄生乎江潭上蘋蕤而防
露兮下泠泠而來風孰知其不合兮若竹柏之異心往者
不可及兮來者不可待悠悠蒼天兮莫我振理竊怨君之
不寤兮吾獨死而後已

初放

惟往古之得失兮覽私微之所傷堯舜聖而慈仁兮後世

稱而弗忘齊桓失於專任兮夷吾忠而名彰晉獻惑於驪
姬兮申生孝而被殃偃王行其仁義兮荆文寤而徐亡紂
暴虐以失位兮周得佐乎呂望脩往古以行恩兮封比干
之邱驩賢俊慕而自附兮日浸淫而合同明法令而脩理
兮蘭芷幽而有芳苦衆人之如予兮箕子寤而佯狂不顧
地以貪名兮心怫鬱而內傷瞬蕙芷以爲佩兮過鮑肆而
失香正臣端其操行兮反離謗而見攘世俗更而變化兮
伯夷餓於首陽獨廉潔而不容兮叔齊久而逾明浮雲陳
而蔽晦兮使日月乎無光忠臣貞而欲諫兮讒諛毀而在
春秋草榮其將實兮微霜下而夜降商風肅而害生兮百
草育而不長衆並諧以妬賢兮孤聖特而易傷懷計謀而
不見用兮嚴穴處而隱藏咸功隳而不卒兮子胥死而不
葬世從俗而變化兮墮風靡而成行信直退而毀敗兮虛

僞進而得當追悔過之無及兮豈盡忠而有功廢制度而
不用兮務行私而去公終不變而死節兮惜年齒之未央
將方舟而下流兮冀幸君之發矇痛忠言之逆耳兮恨申
子之沈江願悉心之所聞兮遭值君之不聰不開寤而難
道兮不別橫之與縱聽姦臣之浮說兮絕國家之久長滅
規榘而不用兮背繩墨之正方離憂患而乃寤兮若縱火
於秋蓬棄失之而不救兮尙何論乎禍凶彼離畔而朋黨
兮獨行之土其何望日漸染而不自知兮秋豪微哉而變
容衆輕積而折軸兮原咎雜而累重赴湘沅之流澌兮恐
逐波而復東懷沙礫而自沈兮不忍見君之蔽壅詞氣指怨去歸遠矣

矣

沈江

世沈漳而難諭兮俗嶮而慘清泠泠而殲滅兮溷湛

湛而日多景鶴旣以成羣兮元鶴彌翼而屏移蓬艾親入
御於牀第兮馬蘭跳踔而日加棄捐荔芷與杜蘅兮余柰
世之不知芳何何周道之平易兮然蕪穢而險戲高陽無
故而委塵兮唐虞點灼而毀議誰使正其直是兮雖有入
師而不可爲皇天保其高兮后土持其久服情白以逍遙
兮偏輿平元英異色西施媿媿而不得見兮蓼母勃屑而
日侍桂蠹不知所淹留兮蓼蟲不知徙平葵榮處簪髻之
濁世兮今安所達平吾志意有所載而遠逝兮固非衆人
之所識躊躇於樊華兮遇孫陽而得代呂望窮困而不
聊生兮遭周文而舒志甯戚飯牛而商歌兮桓公聞而弗
置路至女之方桑兮孔子過之以自侍吾獨乖刺而無當
兮心悼怵而耄思思比干之憤憤兮哀子胥之愴惄悲楚
人之和氏兮獻寶玉以爲石遇厲武之不察兮羌兩足以

畢斬小人之居勢兮視忠正之何若改前聖之法度兮喜囁嚅而妄作親讒諛而疏賢聖兮訟謂閭娵爲醜惡偷近習而蔽遠兮孰知察其黑白卒不得效其心容兮安眇眇而無所歸薄專精爽以自明兮晦冥冥而壅蔽年旣已過大半兮然輶軻而留滯欲高飛而遠集兮悲離罔而滅敗獨冤抑而無極兮傷精神而壽夭皇天旣不純命兮余生終無所依願自沈於江流兮絕橫流而徑逝甯爲江海之泥塗兮安能久見此濁世

怨世

賢士窮而隱處兮廉方正而不容子胥諫而靡軀兮比干忠而剖心子推自割而臥君兮德日忘而怨深行明白而曰黑兮荆棘聚而成林江離棄於窮巷兮蒺藜蔓乎東廂賢者蔽而不見兮讒諛進而相朋梟鴟並進而俱鳴兮鳳

皇飛而高翔願壹往而徑逝兮道壅絕而不通

怨思

居愁勤其誰告兮獨永思而憂悲內自省而不慙兮操愈
堅而不衰隱三年而無決兮歲忽忽其若頽憐余身不足
以卒意兮冀一見而復歸哀人事之不幸兮屬天命而委
之咸池身被疾而不閒兮心沸熱其若湯冰炭不可以相
並兮吾固知平命之不長哀獨苦死之無樂兮惜余年之
未央悲不得反余之所居兮恨離余之故鄉鳥獸驚而失
羣兮猶高飛而哀鳴孤死必首邱兮夫人孰能不反其眞
情故人疏而日忘兮新人近而愈好莫能行於杳冥兮孰
能施於無報苦衆人之皆然兮乘回風而遠遊凌伍山其
若陋兮聊愉娛以忘憂悲虛言之無實兮苦衆口之譖金
過故鄉而一顧兮泣歎欷而霑衿厭白玉以爲面兮懷琬

班以爲心邪氣人而感內兮施玉色而外淫何青雲之流
瀾兮微霜降之蒙蒙徐風至而徘徊兮疾風過之湯湯聞
南藩樂而欲往兮至會稽而且止見韓衆而宿之兮問天
道之所在借浮雲以送余兮載雖霓而爲旌駕青雲以馳
鷺兮班衍衍之冥冥忽容容其安之兮超恍忽其焉如苦
衆人之難信兮願離羣而遠舉登巒山而遠望兮好桂樹
之冬榮觀大火之炎陽兮聽大壑之波聲引八雞以自道
兮合沆瀣以長生居不樂以時思兮食草木之秋實飲菹
若之朝露兮謂桂木而爲室雜橘柚以爲囿兮列新夷與
椒楨鵠雛孤而夜號兮哀居者之誠貞

自悲

哀時命之不合兮傷楚國之多憂內懷情之潔白兮遭亂
世而離尤惡耿介之直行兮世溷濁而不知何君臣之相

失兮上沅湘而分離測汨羅之湘水兮知時固而不反傷
離散之交亂兮遂側身而旣遠處元舍之幽門兮穴巖石
而窟伏從水蛟而爲徒兮與神龍乎休息何山石之巔巖
兮靈魂屈而僵蹇含素水而蒙深兮日眇眇而旣遠哀形
體之離解兮神罔兩而無舍惟椒蘭之不反兮魂迷惑而
不知路願無過之設行兮雖滅沒之自樂痛楚國之流亡
兮哀靈脩之過到固時俗之溷濁兮志瞀迷而不知路念
私門之正匠兮遙涉江而遠去念女禦之嫋嫋兮涕泣流
乎於悒我決死而不生兮雖重追吾何及戲疾瀨之素木
兮望高山之蹇產哀高邱之赤岸兮遂沒身而不反

哀命

怨靈脩之浩蕩兮夫何執操之不固悲太山之爲隍兮孰
江河之可涸願承閒而效志兮恐犯忌而干諱卒撫情以

寂寞兮然怊悵而自悲玉與石而同匱兮貫魚眼與珠璣
駕駿雜而不分兮服罿牛而驂驥年滔滔而日遠兮壽冉
冉而愈衰心怜憚而煩冤兮蹇超搖而無冀固時俗之工
巧兮減規策而改錯却騁驥而不乘兮策駕駘而取路當
世豈無騁驥兮誠無王良之善馭見執轡者非其人兮故
駒跳而遠去不量鑿而正枘兮恐築獲之不同不論世而
高舉兮恐操行之不調弧弓弛而不張兮孰云知其所至
無傾危之患難兮焉知賢士之所死俗推佞而進富兮節
行張而不著賢良蔽而不羣兮朋曹比而慕譽邪枉說飾
而多曲兮正往孤而不公直士隱而辟匿兮讒諛登乎明
堂棄彭咸之娛樂兮減巧倕之繩墨覬落雜於巖蒸兮機
蓬矢以射革駕蹇驥而無策兮又何路之能極以直鍼而
爲釣兮又何色之能得伯牙之絕絃兮無鍾子期而聽之

和抱璞而泣血兮安得良工而剖之同音者相和兮同類
者相似飛鳥號其羣兮鹿鳴求其友故叩宮而宮應兮彈
角而角動虎嘯而谷風至兮龍舉而景雲往言聲之相和
兮言物類之相感也夫方圓之異形兮勢不可以相錯列
子隱身而窮處兮世莫可以寄託衆鳥皆有行列兮鳳獨
翱翔而無所薄經獨世而不得志兮願側身巖穴而自託
欲闔口而無言兮嘗被君之厚德獨便涓而懷毒兮愁鬱
懨之焉極念三年之積思兮願壹見而陳詞不及君而驕
說兮世孰可爲明之身寢疾而日愁兮情沈抑而不揚衆
人莫可與論道兮悲精神之不通

謬諫

亂曰鸞皇孔鳳日以遠兮畜鳧駕鵝雞鷺滿堂壇兮蠹蟲
游乎華池要裏奔亡兮騰駕橐駝鉛刀進御兮遙棄太阿

拔塞元芝兮列樹芋荷橘柚委枯兮苦李旖旎颯颯登於
明堂兮周鼎潛乎深淵自古而固然兮吾又何怨乎今之
人

莊忌哀時命。

哀時命之不及古人兮夫何予生之不遭時往者不可扳
援兮徯者不可與期志憾恨而不逞兮杼中情而屬詩夜
炯炯而不寐兮懷隱憂而歷茲心鬱鬱而無告兮衆孰可
與深謀飲愁悴而委情兮老冉冉而逮之居處愁以隱約
兮志沈抑而不揚道壅塞而不通兮江河廣而無梁願至
崑崙之懸圃兮采鍾山之玉英攀瑤木之標枝兮望闇風
之板桐弱水汨其爲難兮路中斷而不通勢不能凌波以
徑度兮又無羽翼而高翔然隱憫而不達兮獨徙倚而彷
徉悵惄罔以不思兮心紓軫而增傷倚躡躇以淹留兮日

饑饉而絕糧廩抱景而獨倚兮超永思乎故鄉廓落寂而
無友兮誰可與玩此遺芳白日晚晚其將入兮哀余壽之
弗將車旣弊而馬罷兮蹇邇徊而不能行身旣不容於惄
世兮不知進退之宜當冠崔嵬而切雲兮劒淋離而從橫
衣攝葉以儲與兮左袵挂於搏桑右衽拂於不周兮六合
不足以肆行上同鑿枘於伏戲兮下合槃緩於虞唐願尊
節而式高兮志猶卑夫禹湯雖知因其不改操兮終不以
邪枉害方世並舉而好朋兮壹斗斛而相量衆比周以肩
迫兮賢者遠而隱藏爲鳳皇作鶴籠兮雖令翹其不容靈
皇其不寤知兮焉陳詞而効忠俗妍如而蔽賢兮孰知余
之從容願舒志而抽馮兮庸詎知其吉凶璋珪雜於餓窪
兮隨廉與孟娵同宮舉世以爲恆俗兮固將愁苦而終窮
幽獨轉而不寐兮惟煩滿而盈匈魂眇眇而馳騁兮心頃

究之懼懼志慄慄而不愴兮路幽昧而甚難塊獨守此曲
闇兮然欲切而永歎愁脩夜而宛轉兮氣涫澑其若波搥
剗而不用兮操規榘而無所施騁騁驛於中庭兮焉能
極夫遠道置狡狹於櫺檻兮夫何以責其捷巧瞶跛鼈而
上山兮吾固知其不能陞釋管髮而任臧獲兮向權角之
能稱範鎔雜於巖蒸兮機逢矢以射革角檣荷以丈尺兮
欲伸要而不可得外迫脅於機臂兮上牽聯於矰雉肩領
側而不容兮固隈腹而不得息務光自投於深淵兮不獲
世之塵垢孰魁摧之可久兮願退身而窮處鑿山楹而爲
室兮下被衣於水渚霧露濛濛其晨降兮雲依斐而承宇
虹霓紛其朝霞兮夕淫淫而淋雨招茫茫而無歸兮悵遠
望此曠野下垂釣於谿谷兮上要求於僊者與赤松而結
友兮比王喬而爲耦使梟揚先導兮白虎爲之前後浮雲

霧而入冥兮驕白鹿而容與魂睭睭以寄獨兮汨徂往而不歸處卓卓而日遠兮志浩蕩而傷懷鸞鳳翔於蒼雲兮故矰繳而不能加蚊龍潛於旋淵兮身不挂於罔羅知貪餌而近死兮不如下游乎清波甯幽隱以遠禍兮孰侵辱之可爲子胥死而成義兮周原沈於汨羅雖體解其不變兮豈忠信之可化志惄惄而內直兮履繩墨而不頗執權衡而無私兮稱輕重而不差擬塵垢之枉攘兮除穢累而反眞形體自而質素兮中皎潔而淑清時厭厭而不用兮且隱伏而遠身聊鼠端而匿迹兮嘆寂默而無聲獨便悽而煩毒兮爲發憤而抒情時曖曖其將龍兮遂問歎而無名伯夷死於首陽兮卒天隱而不榮太公不遇文王兮身至死而不得逞懷瑤象而佩瓊兮願陳列而無正生天墜之若過兮忽爛漫而無成邪氣襲余之形體兮疾潛怛而

萌生廁壹見陽春之白日兮恐不終平承年

劉向九歎

伊伯庸之未胄兮謗皇直之屈原云余墮祖於高陽兮惟
楚懷之姪連原生受命於貞節兮鴻永路有嘉名齊名字
於天地兮並光明於列星吸精粹而吐氣濁兮橫邪世而
不取容行叩誠而不阿兮遂見排而逢譏后聽虛而黜實
兮不吾理而順情腸憤惄而含怒兮志遷蹇而左傾心憲
惋而不我與兮躬速速而不吾親辭靈脩而隈意兮吟澤
畔之江濱椒桂羅以顛覆兮有煩信而歸誠讒夫藹藹而
曼若兮曷其不舒予情始結言於廟堂兮信中塗而叛之
懷蘭蕙與衡芷兮行中塗而散之聲哀哀而懷高邱兮心
以沮敗兮情越裂而衰耄裳襜襜而含風兮衣納納而掩

露赴江湘之湍流兮順波湊而下降徐徘徊於山阿兮飄
風來之間洶馳余車兮元石步余馬兮洞庭平明發兮蒼
梧夕投宿兮石城芙蓉蓋而蔽華車兮紫貝闕而玉堂薜
荔飾而陸離薦兮魚鱗衣而白蜺裳登逢龍而下隕兮違
故都之漫漫思南郢之舊俗兮腸一夕而九運揚流波之
溝濱兮體溶溶而東回心怊悵以永思兮意曠曠而自頽
白露紛紛以塗塗兮秋風淒淒以蕭蕭身永流而不還兮
魂長逝而常愁

歎曰譬彼流水紛揚磕兮波逢洶湧紛湧沛兮揄揚滌盪
漂流墮往觸岑石兮龍邛瞬圈繞戾宛轉阻相薄兮遭紛
逢凶蹇離尤兮垂文揚采遺將來兮

逢紛

靈懷其不吾知兮靈懷其不吾聞就靈懷之皇祖兮朔靈

懷之鬼神靈懷曾不吾知兮卽聽夫謗人之誤辭余辭上
參於天墜兮旁引之於四時指日月使廷昭兮撫招搖以
質正立師曠俾端詞兮命告繇使並聽兆出名曰正則兮
卦發字曰靈均余幼既有此鴻節兮長愈固而彌純不從
俗而謬行兮直躬指而信志不枉繩以追曲兮屈情素以
從爭端余行其如玉兮述皇輿之蹤迹羣阿容以晦光兮
皇輿覆以幽辟輿中塗以回畔兮駟馬驚而橫犇執組者
不能制兮必折軛而摧轅斷鐸衡以馳騖兮暮去次而敢
止路蕩蕩其無人兮遂不禦乎千里身衝陷而下沈兮不
可獲而復登不顧身之卑賤兮惜皇輿之不與出國門而
端指兮方冀壹寤而錫還哀僕夫之坎毒兮屢離憂而逢
患九年之中不吾反兮思彭咸之水遊惜師延之浮渚兮
赴汨羅之長流連曲江之逶迤兮觸石砌而衝遊波澧澧

而揚漟兮順長瀨之濁流凌黃沱而下低兮思還流而復
反元輿馳而並集兮身容與而日遠櫂舟杭以橫濟兮濟
湘流而南極立江界而長吟兮愁哀哀而累息情恍忽以
忘歸兮神浮遊以高厲志蛩蛩而懷顧兮魂眷眷而獨逝
歎曰余思舊邦心依違兮呂暮黃昏嗟幽非常兮去郢東遷
余誰慕兮讒夫黨旅其以茲故兮河水淫淫情所願兮顧
瞻郢路終不返兮

靈懷

惟鬱鬱之憂毒兮志坎壈而不違身憔悴而考旦兮日黃
昏而長悲閑空宇之孤子兮哀枯楊之冤鵠孤雌吟於高
墳兮鳴鳩棲於桑榆元媛失於潛林兮獨偏棄而遠放征
夫勞於周行兮處婦憊而長望申誠信而罔違兮情素潔
於紉帛光明齊於日月兮文采耀於玉石傷壓次而不發

兮思沈抑而不揚芳懿懿而終敗兮名糜散而不彰昔玉
門以奔驚兮蹇離尤而干詰若龍逢之沈首兮王子比干
之逢醢念社稷之幾危兮反爲讐而見怨由國家之離沮
兮躬獲愆而結難若青蠅之僞質兮晉驪姬之反情恐登
階之逢殆兮故退伏於末庭孽子之號咷兮本朝蕪而不
治犯顏色而觸諫兮反蒙辜而被疑菀靡無與菌若兮漸
棄本於洿瀆淹芳芷於腐井兮弃雞駭於筐籠執棠谿以
荆蓬兮秉干將以割肉筐擇鴻以豹韁兮破荆和以繼築
時溷濁猶未清兮世殺亂猶未察欲容與以俟時兮懼年
歲之既晏顧屈節以從流兮心鞶鞶而不夷甯浮沅而馳
騁兮下江湘以遭迴

歎日山中樞樞余傷懷兮征夫皇皇其孰依兮經營原野
杳冥冥兮乘輿騁驟舒吾情兮歸骸舊邦莫誰語兮長辭

遠逝乘湘去兮

離世

志隱隱而鬱怫兮愁獨哀而冤結腸紛紜以織轉兮涕漸漸其若屑情慨慨而長懷兮信上皇而質正合五嶽與八
靈兮訊九軒與六神指列宿以白情兮訴五帝以置詞北
斗爲我質中兮太一爲余聽之云服陰陽之正道兮御后
土之中和佩蒼龍之蚴虬兮帶隱虹之透蛇曳彗星之皓
旰兮撫朱爵與鵠鶴遊清霧之颯戾兮服雲衣之披披杖
玉策與朱旗兮垂明月之元珠舉霓旌之墮翳兮建黃昏
之總旄躬純粹而周愆兮承皇考之妙儀惜往事之不合
兮橫汨羅而下厲棄隆波而南度兮逐江湘之順流赴陽
侯之潢洋兮下石瀨而登洲陵魁堆以蔽視兮雲冥冥而
闇前山峻高以無垠兮遂會闔而迫身雪霏霏而薄木兮

雲霏霏而隕集阜隘狹而幽險兮石嶠嵯以翳日悲故鄉
而發忿兮去余邦之彌久背龍門而入河兮登大墳而望
夏首橫舟航而濟湘兮耳聊啾而慷慨波淫淫而周流兮
鴻濬溢而滔蕩路曼曼其無端兮周容容而無識引日月
以指極兮少須臾而釋思水波遠以冥冥兮眇不睹其東
西順風波以南北兮霧宵晦以紛闇日杳杳以西頽兮路
長遠而窘迫欲酌醴以娛意兮蹇驟駘而不釋

歎曰飄風蓬龍埃拂拂兮草木搖落時槁悴兮遭傾遇禍
不可救兮長吟永歎涕究究兮舒情憇詩冀以自免兮願
流下逝身日以遺兮

怨思

悲余性之不可改兮屢懲杖而不遂服覺酷以殊俗兮貌
揭揭以巍巍譬若王儔之乘雲兮載赤霄而凌太清欲與

天地參壽兮與日月而比榮登崑崙而北首兮悉靈圉而來謁選鬼神於太陰兮登閭闔於元闕回朕車俾西引兮褰虹旗於玉門馳六龍於三危兮朝四靈於九濱結余軫於西山兮橫飛谷以南征絕都廣以直指兮歷祝融於朱冥枉玉衡於炎火兮委兩館於咸唐貫瀕濛以東揚兮維六龍於扶桑周流覽於四海兮志升降以高馳徵九神於回極兮建虹采以招指駕鸞鳳以上游兮從元鶴與鶴明孔鳥飛而送迎兮勝羣鶴於瑤光排帝宮與羅囿兮升縣圃以眩滅結瓊枝以雜佩兮立長庚以繼日凌驚靄以軼駭電兮綴鬼谷於北辰鞭風伯使先驅兮囚靈元於虞淵憩局風以徘徊兮覽周流於朔方就顓頊而歛詞兮考元冥於空桑旋車逝於崇山兮奏虞舜於蒼梧濟楊舟於會稽兮就申胥於五湖見南郢之流風兮殞余躬於沅湘望

舊邦之黯黯兮時徂濶猶未央懷蘭茝之芬芳兮妬彼離而折之張絳帷以襜襜兮風邑邑而蔽之日瞰瞰其西舍兮陽炎炎而復顧聊假日以須臾兮何騷騷而自故

歎曰譬彼蛟龍乘雲浮兮汎淫瀝溶紛若霧兮潺湲轉轔雷動電發駟高舉兮升虛凌冥沛濁浮清八帝宮兮搖翹奮羽馳風騁雨游無窮兮

遠逝

覽屈氏之離騷兮心哀哀而拂鬱聲噭噭以寂寥兮顧僕夫之憔悴機詔諛而匡邪兮切淟涊之流俗漫澆淪之姦咎兮夷蠢蠢之溷濁懷芬香而挾蕙兮佩江蘿之菲菲握申椒與杜若兮冠浮雲之峨峨登長陵而四望兮覽芷圃之蘊蘊游蘭皋與蕙林兮睨玉石之峻嵯揚精華以眩耀兮芳鬱渥而純美結桂樹之旖旎兮紉荃蕙與辛夷芳若

茲而不御兮捐林薄而菀死驅子儔之犇走兮申徒狄之
赴淵若夷由之純美兮介子推之隱山晉申生之離殃兮
荆和氏之泣血吳子胥之抉眼兮王子比干之橫廢欲卑
身而下體兮心隱惻而不置方圓殊而不合兮鉤繩用而
異態欲俟時於須臾兮日陰曠其將暮時遲遲其日進兮
年忽忽而日度安周容而入世兮內距閉而不開俟時風
之清激兮愈氛霧其如塵進雄鳩之耿耿兮譎紛紛而蔽
之默順風以偃仰兮尚由由而進之心憤懷以冤結兮情
舛錯以憂憂塞薜荔於山野兮采撫枝於中州望高邱而
歎涕兮悲吸吸而長懷孰契契而委棟兮日晡晡而下頰
歎曰油油江湘長流汨兮挑揄揚波盪迅疾兮憂心展轉
愁怫鬱兮冤結未舒長隱忿兮丁時逢殃孰可柰何兮勞

悲余心之悄悄兮哀故邦之逢殃辭九年而不復兮獨嘆
斃而南行思余俗之流風兮心紛錯而不受遷墮莽以阡
風兮步從容於山藪巡陸夷之曲衍兮幽空虛以寂寥倚
石巖以流涕兮憂憔悴而無樂登嶺峴以長企兮望南郢
而闌之山脩遠其遼遼兮塗漫漫其無時聽元鶴之晨鳴
兮于高岡之峨峨獨憤積而哀娛兮翔江洲而安歌三鳥
飛飛以自南兮覽其志而欲北願寄言於三鳥兮去飄疾
而不可得欲遷志而改操兮心紛結而未離外彷徨而遊
覽兮內惻隱而含哀聊須臾以時忘兮心漸漸其煩錯願
假簧以舒憂兮志糾鬱其難釋歎離騷以揚意兮猶未殫
於九章長嘘吸以於悒兮涕橫集而成行傷明珠之赴泥
兮魚眼璣之堅藏同駕轔與乘駟兮雜班駁與闇茸葛藟

蘂於桂樹兮。鴟鴞集於木蘭。偓促談於廊廟兮。律魁放乎
山間。惡虞氏之簫韶兮。好遺風之激楚。潛周鼎於江淮兮。
攀土蠶於中宇。且人心之有舊兮。而不可保。長邇彼南道兮。
以征夫胥行。思念郢路兮。還顧瞻瞻涕流。父集兮泣下漣漸。

歎曰。登山長望。中心悲兮。宛彼青青。泣如頰兮。留思比顧。
涕漸漸兮。折銳摧矜。凝汜濫兮。念我煢煢。魂誰求兮。僕夫憔悴。
散若流兮。

憂苦

昔皇考之嘉志兮。喜登能而亮賢。情純潔而固歲兮。姿盛質而無愆。放佞人與詔諛兮。斥讒夫與便嬖。親忠正之憫誠兮。招貞良與明智。心溶溶其不可量兮。情澹澹其若淵回邪辟而不能入兮。誠願藏而不可遷。逐下袂於後堂兮。

迎宓妃於伊雒制讒賊於中廟兮選呂管於榛蕪叢林之下無怨士兮江河之畔無隱夫三苗之徒以放逐兮伊皋之倫以充廬今反表以爲裏兮顚裳以爲衣戚宋萬於兩楹兮廢周邵於遐夷却騏驥以轉運兮騰驤羸以馳逐蒸女黜而出帷兮戎婦人而綵繡服慶忌囚於阱室兮陳不古戰而赴圍破伯牙之號鍾兮挾人筩而彈緯蕪璫石於金匱兮捐赤瑾於中庭韓信蒙於介胄兮行夫將而攻城莞芎棄於澤洲兮砲蠶蠹於筐籠麒麟奔於九皋兮熊羆羣而逸固折芳枝與璫華兮樹枳棘與薪柴掘荃蕙與射于兮耘藜藿與蘋荷惜今世其何殊兮遠近思而不同或沈淪其無所達兮或清激其無所通哀余生之不當兮獨蒙毒而逢尤雖寒暑以申志兮君乖差而屏之誠惜芳之菲菲兮反以茲爲腐也懷椒聊之藹藹兮乃逢紛以罹詬

歎曰嘉皇既歿終不返兮山中幽險郢路遠兮讒人譏謗
孰可憇兮征夫罔極誰可語兮行吟累歎聲喟喟兮懷憂
含戚何侘傺兮

愍命

冥冥深林兮樹木鬱鬱山參差以巔巔兮阜杳杳以蔽日
悲余心之惆悵兮目眇眇而遺泣風騷屑以搖木兮雲吸
吸以湫戾悲余生之無歡兮愁倥偬於山陸且徘徊於長
阪兮夕彷徨而獨宿髮披披以鬢鬢兮躬劬勞而瘡痏魂
仰佹而南行兮位靄襟而懦袂心嬋媛而無告兮日暉闇
而不言違郢都之舊聞兮回淵汎而遠遷念余邦之攝陷
兮宗鬼神之無穴閉先嗣之中絕兮心遑惑而自悲劬浮
游於山陸兮步周流於江畔臨深水而長嘯兮且倘佯而
汎觀興離騷之微文兮冀靈修之壹悟還余車於南郢兮

復往軌於初古道修遠其難遷兮傷余心之不能已背三
五之典刑兮絕洪範之辟紀播規策以背度兮錯權衡而
任意操繩墨而放棄兮傾容幸而侍側甘棠枯於豐草兮
藜棘樹於中庭西施斥於北宮兮仳仳倚於闌楹烏獲戒
而驂乘兮燕公操於馬圉翫蹠登於情府兮咎繇棄於望
外蓋見茲以永歎兮欲登階而狐疑乘白水而高騖兮因
徒弛而長詞

歎曰倘佯墟阪沿水深兮容與漢漪涕淫淫兮鍾牙已死
誰爲聲兮纖阿不聞焉舒情兮曾哀悽歎心離離兮還顧
高邱泣如灑兮

思古

揚雄反離騷

序

痛怪屈原文過相如至不容作離騷自投江而死悲其文

讀之未嘗不流涕也。呂爲君子得時則大行，不得時則龍蛇遇不遇命也。何必湛身哉。迺作書往往摭離騷文而反之自嶧山投諸江流以弔屈原名曰反離騷。

有周氏之蟬鳴兮或鼻祖於汾陽靈宗初謀伯僑兮流于末之揚侯淑周楚之豐烈兮超旣離虞皇波因江潭而往記兮欽弔楚之湘纍惟天軌之不辟兮何純潔而離紛紛纍兮其淟汨兮暗纍兮其纊粉漢十世之陽朔兮招搖紀於周正正皇天之清則兮度后土之方貞圖纍承彼洪族兮又覽纍之昌辭帶鉤矩而佩衡兮履櫬檜兮爲纂纍初貯厥麗服兮何文肆而質難資妍娃之珍髢兮鬻九戎而索頌鳳皇翔於蓬階兮豈駕鷺之能捷騁驛臨兮曲蘿兮驅驛連蹇而齊足枳棘之榛榛兮蟻貌擬而不敢下靈脩旣信椒蘭之唼佞兮吾纍勿焉而不蚤暗矜芟荷之綠衣

兮被芙蓉之朱裳芳酷烈而莫聞兮固不如襞而幽之離
房閣中容競輝約兮相態月麗佳知衆嫭之嫉妒兮何必
颺纍之娥眉懿神龍之淵潛兮候慶雲而將舉亡春風之
被碓兮孰焉知龍之所處愍吾累之衆芬兮颺纍纍之芳
荅迺季夏之凝霜兮慶天粹而喪榮橫江湖已南往兮云
走平彼蒼苔馳江潭之汎溢兮將折衷虛重華舒中情之
煩或兮恐重華之不榮與陵陽侯之素波兮豈吾累之獨
見許精瓊牒與秋菊兮將召延夫天年臨汨羅而自墮兮
恐日薄於西山解扶桑之總轡兮縱令之遂奔馳鸞皇騰
而不屬兮豈獨飛眞與雲師卷薜芷與芳蕙兮臨湘澗而
投之棍申椒與菌桂兮赴江湖而漚之費椒稱召要神兮
又勤索彼瓊茅違靈氛而不從兮反憮身於江皋纍既兆
夫傳說兮奚不信而遂行徒恐鶴鳴兮顧先百草

爲不芳初槩乘彼處妃兮更思瑤臺之逸女抨雄鶡呂作媒兮何百離而曾不壹耦乘雲蜺之旖旎兮望崑崙呂穆流覽四荒而顧懷兮奚必云女彼高邱旣亡鸞車之幽謁兮焉駕八龍之委蛇臨江瀨而掩涕兮何有九招與九歌夫聖哲之不遭兮固時命之所有雖增歎曰於邑兮吾恐靈修之不繫改昔仲尼之去魯兮斐斐遲遲而周邁終回復於舊都兮何必湘淵與濤瀨溷漁父之餚歎兮絜沐浴之振衣弃由聟之所珍兮距彭咸之所遺

枚乘七發

楚太子有疾而吳客往問之曰伏聞太子玉體不安亦少間乎太子曰德謹謝客客因稱曰今時天下安甯四宇和平太子方富於年意者久耽安樂日夜無極邪氣襲逆中若結轔紛屯澹淡噦唏煩醒惕惕怵怵臥不得瞑虛中重

聽惡聞人聲精神越渫百病咸生聰明眩曜悅怒不平久
執不廢大命乃傾太子豈有是乎太子曰謹謝客賴君之
力時時有之然未至於是也客曰今夫貴人之子必宮居
而閨處內有保母外有傳父欲交無所飲食則溫湧甘臍
腥醜肥厚衣裳則雜遝曼煖燭爍蒸暑雖有金石之堅猶
將銷鑠而挺解也況其在筋骨之間乎哉故曰縱耳目之
欲恣支體之妄首傷血脈之和且夫出興入牽命日蹙蹙
之機洞房清宮命曰寒慾之媒皓齒娥眉命曰伐性之斧
甘脆肥膾命曰腐腸之藥今太子膚色靡曼四支委隨筋
骨挺解血脈淫濯手足惰窳越女侍前齊姬奉後往來游
躋縕恣於曲房隱間之中此甘餐毒藥戲猛獸之爪牙也
所從來者至深遠淹滯永久而不廢雖令扁鵲治內亞威
治外尚何及哉今如太子之病者獨宜世之君子博見彊

讖承閒語事變度易意常無離側以爲羽翼淹沈之樂活
唐之心過佚之志其奚由至哉太子曰諾病已請事此言
客曰今太子之病可無藥石針刺灸瘡而已可以要言妙
道說而去也不欲聞之乎太子曰僕願聞之客曰龍門之
碣高百尺而無枝中鬱結之輪囷根扶疏以分離上有千
仞之峯下臨百丈之谿湍流迴波又澹淡之其根半死半
生冬則烈風漂霰飛雪之所激也夏則雷霆霹靂之所感
也朝則鷗黃鵠鳴鳴焉暮則羈雌迷鳥宿焉獨鵠晨號乎
其上鵠聲哀鳴翔乎其下於是背秋涉冬使琴摯研斬以
爲琴軸韻之絲以爲絃孤子之鉤以爲隱九寡之珥以爲
約使師掌操暢伯牙爲之歌歌曰麥秀漸兮雉朝飛兮虛
寥兮青楓槐依絕區兮臨迴溪飛鳥聞之翕翼而不能去
野獸聞之垂耳而不能行蛟螭蝮蛇聞之柱喙而不能前

此亦天下之至悲也太子能彊起聽之乎太子曰僕病未能也

客曰掬牛之腴菜以筍蒲肥狗之和冒以山膚楚苗之食安胡之飯搏之不解一啜而散於是使伊尹煎熬易牙調和熊蹯之膾勾藥之醬薄耆之炙鮮鯉之鱠秋黃之蘇白露之茹蘭英之酒酌以滌口山梁之餐參豹之胎小飯大歎如湯沃雪此亦天下之至美也太子能彊起嘗之乎太子曰僕病未能也

客曰鍾岱之牡齒至之車前似飛鳥後類距盧稽麥服處蹀中頰外羈堅轡附易路於是伯樂相其前後王良造父爲之御秦敏樓季爲之右此兩人者馬佚能止之車覆能起之於是使射干鎗之重爭千里之逐此亦天下之至駿也大子能彊起乘之乎太子曰僕病未能也

客曰既登景夷之臺南望荆山北望汎海左江右湖其樂無有於是使博辨之士原本山川極命草木比物屬事離辭連類浮游覽觀乃下置酒於虞懷之宮連廊四注臺城層構紛紅元綠輦道邪交黃池紓曲涵章白鷺孔雀鶴鵠鳩鵠鴟鵰翠鬚紫纓螭龍德牧邕邕羣鳴陽魚騰躍奮翼振鱗淑瀉壽莖蔓草芳芬女桑河柳素葉紫莖苗松豫草條上造天梧桐并闔極望成林衆芳芬鬱亂於五風從容猗靡消息陽陰列坐縱酒蕩樂娛心景春佐酒杜連理育滋味雜陳肴核錯該臻色娛目流聲悅耳於是乃發激楚之結風揚鄭衛之皓樂使先施徵舒陽文段干吳娃閻姬傳子之徒雜裾垂髫目窕心與渝流波雜杜若蒙清塵被蘭澤嬿服而御此亦天下之靡麗皓侈廣博之樂也太子能疆起游乎太子曰僕病未能也

客曰將爲太子馴驥驥之馬駕飛軺之輿乘牡駿之乘白
夏服之勁箭左烏號之彫弓游涉乎雲林周馳乎蘭澤弭
節乎江濤掩青蘋游清風噉陽氣蕩春心逐狡獸集輕禽
於是極犬馬之才因野獸之足窮相御之智巧恐虎豹喟
驚鳥逐馬鳴鑣魚跨麋角履游羶兔蹈蹠麋鹿汗流沫墜
兔伏陵窘無創而死者固足充後乘矣此校獵之至壯也
太子能強起游乎太子曰僕病未能也然陽氣見於眉宇
之同侵淫而上幾滿大宅客見太子有悅色也遂推而進
之曰冥火薄天兵車雷運旌旗偃蹇羽旄肅紛馳騁角逐
慕昧爭先微墨虧博望之有折純粹全犧獻之公門太子
曰善願復聞之客曰未旣於是榛林深澤煙雲闇莫兕虎
竝作毅武孔猛袒裼身薄白刃礮礮矛戟交錯收獲掌功
賞賜金帛掩蘋肆若爲牧人席旨酒喜肴羞魚膾炙以御

賓客滿觴並起動心驚耳誠必不悔決絕以諾貞信之色
形于金石高歌陳唱萬歲無斁此真太子之所喜也能彊
起而游乎太子曰僕甚願從直恐爲諸大夫累耳然而有
起色矣

客曰將以八月之望與諸侯遠方交游兄弟竝往觀濤乎
廣陵之曲江至則未見濤之形也徒觀水力之所到則
然足以駭矣觀其所駕軼者所擢拔者所揚汨者所溫汾
者所滌汔者雖有心略辭給固未能縷形其所由然也恍
兮忽兮聊兮慄兮混汨汨兮忽兮流兮似兮儻兮浩溔濤
兮慌曠曠兮秉意乎南山通望乎東海虹洞兮蒼天極慮
乎崖涘流攬無窮歸神日母汨乘流而下降兮或不知其
所止或紛紜其流折兮忽繆往而不來臨朱汜而遠逝兮
中虛煩而益怠莫離散而發曙兮內存心而自持於是澡

槩胸中灑練五藏澹澈手足頰濯髮齒渝弃恬怠輸寫淟濁分波狐疑發皇耳目當是之時雖有淹痼滯疾猶將伸偃起蹙發瞽披聾而觀望之也況直眇小頑惑醒釀病酒之徒哉故曰發蒙解惑不足以言也太子曰善然則濤何氣哉客曰不記也然聞於師曰似神而非者三疾雷聞百里江水逆流海上潮山出內雲日夜不止衍溢漂疾波涌而濤起其始起也洪淋淋焉若白鷺之下翔其少進也浩浩滔滔如素車白馬惟葢之張其波涌而雲亂擾擾焉如三軍之騰裝其旁作而奔起也飄飄焉如輕車之勒兵六駕蛟龍附從太白純馳浩蜋前後絡驛顛顛卬卬倨倨彊彊莘莘將將壁壘重堅沓雜似軍行訇隱匈磕軋盤涌裔原不可當觀其兩傍則湧湧怫鬱闇漠感突上擊下律有似勇壯之卒突怒而無畏謂陸衝津窮曲隨隈踰岸出

追遇者死當者壞初發乎或圍之津涯莎蕡谷分迴翔青
篋衝枚檀桓弭節伍子之山通厲鬼母之場凌赤岸鼙扶
桑橫奔似雷行誠奮厥武如振如怒冲沌渾渾狀如奔馬
混沌庵庵聲如雷鼓發怒匣沓清升踰蹉跎波奮振合戰
於藉藉之日鳥不及飛魚不及迴獸不及走紛紛翼翼波
涌雲亂蕩取南山首擊北岸覆虧邱陵平夷西畔險險戲
戲崩壞陂池波勝乃罷漸汨潺湲披揚流灑橫暴之極魚
鼈失勢顛倒偃側沈沈漫漫伏連延神物怪疑不可勝
言直使人踣焉洞闇悽愴焉此天下怪異詭觀也太子能
彊起觀之乎太子曰僕病未能也

客曰將爲太子奏方術之士有資略者若莊周魏牟楊朱
墨翟便蜎詹何之倫使之諭天下之精微理萬物之是非
孔老覽觀孟子持籌而算之萬不失一此亦天下要言妙

道也太子豈欲聞之乎於是太子據几而起曰渙乎若一
聽聖人辯士之言忽然汗出霍然病已

曹植七啓

昔枚乘作七發傅毅作七激張衡作七辨崔駰作七依辭
各美麗余有慕之焉遂作七啓并命王粲作焉

元微子隱居大荒之庭飛遜離俗澄神定靈輕祿傲貴與
物無營耽虛好靜羨此永生獨馳思於天雲之際無物象
而能傾於是鏡機子聞而將往說焉駕超野之駒乘追風
之輿經迴漠山幽墟入平陁漭之野遂届元微子之所居
其居也左激水右高岑昔洞溪對芳林冠皮弁被文裘出
山岫之潛穴倚峻崖而嬉遊志飄飄焉嶢嶢焉似若狹六
合而隘九州若將飛而未逝若舉翼而中留於是鏡機子
攀葛藟而登距巖而立順風而稱日予聞君子不遯俗而

遺名志士不背世而滅勳今吾子棄道藝之華遺仁義之英耗精神乎虛廟廢人事之紀經譬若畫形於無象造響於無聲未之思乎何所規之不通也元微子倚而應之曰謗有是言乎夫太極之初渾沌未分萬物紛錯與道俱隆蓋有形必朽有跡必窮茫茫元氣孰知其終名穢我身位累我躬竊慕古人之所志仰老莊之遺風假靈龜以託喻甯掉尾於塗中鏡機子曰夫辯言之豔能使窮澤生流枯木發榮庶感靈而微神况近在乎人情僕將爲吾子說解觀之至僑演聲色之妖靡論變化之至妙敷道德之宏麗願聞之乎元微子曰吾子整身倦世探隱拯沈不遠遐路幸見光臨將啟滌耳以聽玉音

鏡機子曰芳菰精輝霜苦露葵元能素膚肥豢膾肌蟬翼之割剖纖折微累如蠻殼雕若散雪輕隨風飛刃不轉切

山鶴斥鵠珠翠之珍舉芳蕣之巢龜膾西海之飛鱗曜江
東之潛鼈膳漢南之鳴鶴糅以芳酸甘和既醉元冥適誠
蓐收調辛紫蘭丹椒施和必節滋味旣殊遺芳射越乃有
春清縹酒康瓠所營應化則變感氣而成彈徵則苦發叩
宮則甘生於是盛以翠樽酌以彫觴浮蟻鼎沸酷烈馨香
可以和神可以娛腸此肴餚之妙也子能從我而食之乎
元微子曰予甘藜藿未暇此食也

鏡機子曰步光之劍華藻繁縟飾以文犀彫以翠綠綴以
驪龍之珠錯以荆山之玉陸斷犀象未足稱雋隨波截鴻
水不漸刃九旒之冕散耀垂文華組之纓從風紛紅佩則
結綠懸黎寶之妙微符采照爛流景揚輝黼黻之服紗縠
之裳金華之烏動趾遺光繁飾參差微鮮若霜緹佩綢繆
或彫或錯薰以幽若流芳肆布衆容閒步周旋馳耀南威

爲之解顏西施爲之巧笑此容飾之妙也子能從我而服之乎元微子曰予好毛褐未暇此服也

鏡棧子曰馳騁足用蕩思游獵可以娛情僕將爲五君子駕雲龍之飛颺飾玉輅之繁縟垂宛虹之長綾抗招搖之華於挺忘歸之矢秉繁弱之弓忽躡景而輕驚逸奔驥而超遺風於是蹊填谷塞榛藪平夷緣山置罝彌野張罘不下無漏跡上無逸飛鳥集獸屯然後會圍獵徒雲布武騎霧散丹旗耀野戈殳皓旰曳文狐揜狡兔捎鶻鵠拂振鷺當軌見藉值足遇蹤飛軒電逝獸隨輪轉翼不暇張足不及騰動觸飛鋒舉挂輕晉搜林索險探薄窮阻騰山赴壑風厲火焱舉機不虛發中必飲羽於是人稠網密地逼勢脅噬關之獸張牙奮鬪志在觸突猛氣不惜乃使北宮東郭之疇生抽豹尾分裂羆肩形不抗手骨不隱拳批熊碎掌拉虎

惟斑野無毛類林無羽羣積獸如陵飛翮成雲於是賦鐘鳴鼓收旌弛旆頓網縱網罷獵迴邁駿驥齊驤揚鑾飛沫俯倚金較仰撫翠蓋雍容暇豫娛志方外此羽獵之妙也子能從我而觀之乎元微子曰予樂恬靜未暇觀也

鏡機子曰閑宮顯敞雲屋皓旰崇景山之高基迎清風而立觀形軒紫柱文棖華梁綺井含葩金墀玉箱溫房則冬服絲絰清室則中夏含霜華閣緣雲飛陞陵虛頻眺流星仰觀八隅升龍攀而不逮眇天際而高居繁巧神怪變名異形班輪無所措其斧斤離婁爲之失睛麗草交植殊品詠頽綠葉朱榮熙天曜日素水盈沼叢木成林飛翮陵高鱗甲隱深於是逍遙暇豫忽若忘歸乃使任子垂釣魏氏發機芳餌沈水輕繳弋飛落驚雲之翔鳥援九淵之靈鼈然後采菱花擢水蘋弄珠蚌戲鯨人諷漢廣之所詠覩游

女於水濱耀神景於中沚被輕縠之纖羅遺芳烈而靖步
抗皓手而清歌歌曰望雲際兮有好仇天路長兮往無由
佩蘭蕙兮爲誰修冥婉絕兮我心愁此宮館之妙也子能
從我而居之乎元微子曰予耽巖穴未暇居此也

鏡機子曰旣游觀中原逍遙閑宮情放志蕩淫樂未終亦
將有才人妙妓遺世越俗揚北里之流聲紹陽阿之妙曲
爾乃銜文軒臨洞庭琴瑟交揮左簾右笙鐘鼓俱振簫管
齊鳴然後妓人乃被文縠之華袴振輕綺之飄飄戴金搖
之熠熠揚翠羽之雙翹揮流芳耀飛文歷盤鼓煥績紛長
裾隨風悲歌入雲躡捷若飛蹈虛遠躡凌躍超驟婉蟬揮
霍引爾鶻翥激然鳴沒縱輕體以迅赴景追形而不逮飛
聲激塵依違厲響才捷若神形難爲象於是爲歡未渫白
日西頽散樂變節微步中閨元音弛兮鉛華落收亂髮兮

拂蘭澤形婧服兮揚幽若紅顏宜笑睇眄流光時與吾子
攜手同行踐飛除卽開房華燭爛帷幙張動朱唇發清商
揚羅被振華裳九秋之夕爲歡未央此聲色之妙也子能
從我而游之乎元微子曰予願情虛未暇此遊也
鏡機子曰子聞君子樂奮節以顯義烈士甘危軀以成仁
是以雄俊之徒交黨結倫重氣輕命感分遺身故田光伏
劍於北燕公叔畢命於西秦果毅輕斷虎步谷風威懾萬
乘華夏稱雄辭未及終而元微子曰善鏡機子曰此乃游
俠之徒耳未足稱妙也若夫田文無忌之儔乃上古之後
公子也皆飛仁揚義騰躍道藝游心無方抗志雲際凌舉
諸侯驍馳富世揮袂則九野生風慷慨則氣成虹蜺吾子
若當此之時能從我而友之乎元微子曰予亮願焉然方
於大道有累如何

鏡機子曰世有聖宰翼帝霸世同量乾坤等曜日月元化參神與靈合契惠澤播於黎苗威靈震乎無外超隆平於殷周踵羲皇而齊泰顯朝惟清王道遐均民望如草我澤如春河濱無洗耳之士喬岳無巢居之民是以俊又來仕觀國之光舉不遺元進名異方讚典禮於辟雍講文德於明堂正流俗之華說綜孔氏之舊章散樂移風固富民康神應休璽屢獲嘉祥故甘露紛而晨降景星宵而舒光觀游龍於神淵聆鳴鳳於高岡此霸道之至隆而雍熙之盛際然主上猶以沈恩之未廣懼聲教之未厲采英奇於仄陋宣皇明於巖穴此甯子商歌之秋而呂望所以投綸而逝也吾子爲太和之民不欲仕陶唐之世乎於是元微子懷袖而興曰辭哉言乎近者吾子所述華淫欲以厲我祇攬予心至聞天下穆清明君在國覽盈虛之正義知頑素

之迷惑令子廓爾身輕若飛願反初服從子而歸

張協七命

沖漠公子含華隱曜嘉遯龍盤翫世高蹈游心於浩然玩
志乎衆妙絕景乎大荒之遐阻吞響乎幽山之窮奧於是
伯華大夫聞而造焉乃敕雲輶驂飛黃越奔沙輶流霜凌
扶搖之風躡堅冰之津旌拂霄崿軌出蒼垠天清冷而無
霞野曠朗而無塵臨重岫而攬轡顧石室而廻輪遂適沖
漠之所居其居也崕崿幽藹蕭瑟虛元溟海渾濩涌其後
嶰谷嘲嘈張其前尋竹竦蒼蔭其壑百籟羣鳴龍聲其山衝
巖發而迴日飛礎起而麗天於是登絕巘遡長風陳辯惑
之辭命公子於巖中日益聞聖人不倦道而背時智士不
遺身而匿迹生必耀華名於玉牒歿則勒洪伐於金冊今
公子違世陸沈避地獨竄有生之歡滅資父之義廢愁恰

百年苦溢千歲何異促鱗之游汀溢短羽之棲翳奮今將
榮子以天人之大寶悅子以縱性之至娛窮地而游中天
而居傾四海之歡彈九州之腴饋屈轂之駕解疏屬之拘
子欲之乎公子曰大夫不遺來萃荒外雖在不敢敬聽嘉
話大夫曰寒山之桐出自太冥含黃鐘以吐幹據蒼穹而
孤生旣乃瓊巒嶒峻金岸磽左當風谷右臨雲谿上無
陵虛之巢下無距實之蹊搖朋峻挺茗邈若曉暉三春之
溢露迥九秋之鳴飈零雪寫其根霏霜封其條木旣繁而
後綠草未素而先凋於是構雲梯陟嶺崿剪蕤賓之陽柯
剖大呂之陰莖營匠斲其模伶倫均其聲器舉樂奏促調
高張音朗號鐘韻清繞梁追逸響於八風采奇律於歸昌
啓中黃之少宮發虧收之變商若乃龍火西積煦氣初收
飛霜迎節高風送秋羈旅懷士之徒流宕百罹之疇撫促

柱則酸鼻揮危絃則涕流若乃追清哇赴嚴節奏綠水吐
白雲凌楚迴流風結非薰蒸之朝落悼望舒之夕饒覺長
爲之擇標鬚老爲之嗚咽王子拂縷而傾耳六馬嗟天而
仰秣此蓋音曲之至妙子豈能從我而聽之平公子曰余
病未能也

大夫曰蘭宮祕宇彫堂綺櫳雲屏爛汗瓊璧青荔應門八
襲旋臺九重表以百常之闕園以萬雉之塘爾乃嶠榭迎
風秀出中天翠觀岑青彫閣霞連長翼臨雲飛陞陵陵山望
玉繩而結極承倒景而開軒頴素炳煥粉拱嵯峨陰虧負
檐陽馬承阿錯以瑤英鏤以金華方疏含秀圓井吐葩重
殿疊起交綺對櫬幽堂晝密明室夜朗佳蟬飛而風生尺
蠖動而成響若乃目厭常玩體倦帷幄公子而雙游時
娛觀於林麓登翠阜臨丹谷華草錦繁飛采星燭陽葉春

青陰條秋綠華實代新承意恣歡仰折神聊爾采朝蘭遡惠風於蘅薄眷板塗於瑤壇爾乃浮一翼戲中沚潛鮀駭驚翰起沈絲結飛矰理挂歸翮於赤霄之表出華鱗於紫淵之裏然後縱棹隨風弭楫乘波吹孤竹拊雲和淵客唱淮南之曲揅人奏采蘋之歌歌曰乘鳧舟兮爲水嬉臨芳洲兮拔雲芝藥以忘戚游以卒時窮夜爲日畢歲爲期此蓋宴居之浩麗子豈能從我而處之乎公子曰余病未能也

大夫曰若乃白商素節月既授衣天凝地閉風厲霜飛柔條夕勁密葉晨稀將因氣以效殺臨金郊而講師爾乃列輕武整戎剛建雲髦啓雄芒駕紅陽之飛鷺鑒唐公之騎驅車羽隊於外林縱輕翼於中荒爾乃布飛罿張修罿陵黃岑挂青轡畫長韜以爲限帶流谿以爲闢既乃內無疏

蹊外無漏迹叩鉦數校舉麾旌獲設金機駆鳴鏘翦關豪
落勁翮連騎競驚駢武齊轍翕忽揮霍雲迴風列聲動響
飛形移景發舉戈林竦揮鋒電滅仰傾雲巢併殞地穴乃
有圓文之妍斑題之縱鼓鬢風生怒目電脫口啟霜刃足
撥飛鋒覬林蹶石扣跋幽叢於是飛黃奮蹴黃石逞伎蹙
封豨儻馮豕拉虺麌挫衡馬勾爪摧鋸牙掉濶漫很藉傾
櫟倒壑殞齒挂山僵路掩澤藪爲毛林隱爲丹薄於是檄
勦頓罔恚收薦虞人數獸林衡計鮮讐最犒勤恩馬韁
弦肴駟連鑣酒駕方軒于鍾電酌萬燧星繁陵阜霑流膏
谿谷厭芳煙歡極樂殫迴節而旋此亦山游之壯觀子豈
能從我而爲之平公子曰余病未能也

大夫曰楚之陽劍歐冶所營耶谿之銛赤山之精銷踰羊
頭鎧越鍛成乃鍊乃鑠萬辟千灌豐隆奮椎飛廉扇炭抑

器化成陽文陰綬流綺星連浮彩豔發光如散電質如耀
雪霜鍔水凝冰刃露潔形冠豪曹名珍巨闕指鄭則二軍
白骨麾晉則千里流血豈徒水哉蛟鴻陸鷗奔馳斷浮韁
以爲工絕重甲而稱利云爾而已哉若其靈寶則舒辟無
方奇鋒異模形震舒獨光駭風胡價兼三鄉聲貫二都或
馳名傾秦或夜飛去吳是以功冠萬載威曜無窮掉之者
無前擁之者身雄可以從服九國橫制八戎爪牙景附函
夏承風此蓋希世之神兵子豈能從我而服之平公子曰
余病未能也

大夫曰天驥之駿逸態超越稟氣靈淵受精皎月眸瞞黑
照元采紺發沫如揮紅汗如振血秦青不能識其衆尺方
煙不能覩其若滅爾乃巾雲軒蹠朝霧赴春衢整秋御蚪
踊螭騰麟超龍翥望山載奔視林載赴氣盛怒發星飛電

駢志陵九州勢越四海影不及形塵不暇起浮箭未移再
踐千里爾乃踰天垠越地隔過汙漫之所不游蹠章亥之
所未述陽烏爲之頓羽夸父爲之投策斯蓋天下之雋乘
子豈能從我而御之乎公子曰余病未能也

大夫曰大梁之黍瓊山之禾唐稷播其根農帝嘗其華爾
乃六禽殊珍四膳異肴窮海之錯極陸之毛伊公舉鼎庖
子揮刀味重九沸和兼勺藥晨鳴露鵠霜鴟黃雀圍案星
亂方丈華錯封熊之蹯翰音之跖鸞髀猩脣髦發象白靈
淵之鮑萊黃之鮀丹穴之鶡元豹之胎憚以秋橙酣以春
梅接以商王之箸承以帝辛之杯范公之鱗出自九溪賴
尾丹鯛紫翼青鬚爾乃命支離飛霜鍔紅肌綺散素膚雪
落嬰子之豪不能廁其細秋蟬之翼不足擬其薄繁肴既
闕亦有寒羞商山之果漢皋之橘析龍眼之房剖柳子之

穀芳旨萬選承意代奏乃有荆南烏程豫北可葉浮蠻星
沸飛華萃接元石嘗其味儀氏進其法傾轡一朝可以流
湎千日單醪投川可使三軍告捷斯人神之所歆羨觀聽
之所輝映也子豈能彊起而御之乎公子日耽口爽之饌
甘腊毒之味服腐腸之藥御亡國之器雖乎大夫之所榮
故亦吾人之所畏余病未能也

大夫曰蓋有晉之融皇風也金華啓徵大人有作繼明代
照配天光宅其基德也隆於姬公之處岐其垂仁也富乎
有殷之在亳南箕之風不能暢其化離畢之雲無以豐其
屏皇道煥炳帝載緝熙導氣以樂宣德以詩教清於雲官
之世治穆乎鳥紀之時王猷四塞禹夏謐甯丹冥投烽青
微釋警郊馬於糞車之轅銘德於昆吳之鼎羣萌反素時
文哉郁耕父推畔魚豎譏陸樵夫恥危冠之飾興臺笑短

後之服六合時邕巍巍蕩蕩元韶巷歌黃髮擊壤解羲皇
之繩錯陶唐之象若乃華裔之夷流荒之貊語不傳於輶
軒地不被乎正朔莫不駿奔稽類委質重譯於時昆蟲感
惠無思不擾苑戲九尾之禽圓棲三足之鳥鳴鳳在林移
於黃帝之闈有龍游淵盈於孔甲之沼萬物烟燭天地交
泰義懷靡內化感無外林無被碣山無葦帶皆象刻於百
工兆發乎靈蔡措紳濟濟軒冕藹藹謂功與造化爭流德與
二儀比大言未終公子蹶然而興曰鄙夫固陋守此狂狷
蓋理有毀之而爭寶之訟解言有怒之而齊王之疾痊向
子誘我以聾耳之樂接我以蔀家之屋田游馳驁利刃駿
足旣老氏之攸戒非吾人之所欲故靡得而應子至聞皇
風載麤時聖道淳舉實爲秋摛藻爲春下有可封之民上
有大哉之君余雖不敏請尋後塵

賦鈔卷一